

Arteixo

PLAN ESTRÁTEXICO DE SUBVENCIONS 2027→2029



Arteixo

→ ÍNDICE



1 → OBXECTO, ÁMBITO DE APLICACIÓN E VIXENCIA DO PLAN _ páx. 4

- 1.1. Obxecto do Plan estratéxico de subvencións
- 1.2. Ámbito subxectivo: entidades incluídas no Plan
- 1.3. Ámbito temporal, seguimento e revisión do Plan

2 → MARCO NORMATIVO E CONCEPTUAL _ páx. 6

- 2.1. Normativa xeral de subvencións
- 2.2. Normativa específica aplicable ao Concello de Arteixo
- 2.3. Relación con outros plans e estratexias municipais

3 → DIAGNÓSTICO DA POLÍTICA MUNICIPAL DE SUBVENCÍONS _ páx. 9

- 3.1. Análise histórica das subvencións concedidas (2021-2026)
- 3.2. Principais áreas de actuación subvencional
- 3.3. Análise DAFO da política municipal de subvencións

4 → PRINCIPIOS REITORES E CRITERIOS XERAIS DE ACTUACIÓN _ páx. 17

- 4.1. Principios de legalidade, eficacia, eficiencia e estabilidade orzamentaria
- 4.2. Principios de transparencia, publicidade e concorrencia
- 4.3. Igualdade de oportunidades, inclusión social e perspectiva de xénero
- 4.4. Coordinación con outras administracións e evitación de duplicidades

5 → OBXECTIVOS ESTRATÉXICOS DO PLAN _ páx. 21

- 5.1. Obxectivos xerais ligados ás políticas públicas municipais
- 5.2. Obxectivos específicos por ámbitos de intervención
- 5.3. Aliñamento cos Obxectivos de Desenvolvemento Sostible e coa Axenda Urbana e Rural de Arteixo

6 → LIÑAS DE SUBVENCIÓN DO CONCELLO DE ARTEIXO _ páx. 28

- 6.1. Criterios xerais de configuración das liñas de subvención
- 6.2. Liñas de subvención en servizos sociais, igualdade e inclusión
- 6.3. Liñas de subvención en cultura, patrimonio e dinamización sociocultural
- 6.4. Liñas de subvención en deporte, actividade física e vida saudable
- 6.5. Liñas de subvención en promoción económica, emprego e comercio local
- 6.6. Liñas de subvención en educación
- 6.7. Liñas de subvención en xuventude
- 6.8. Liñas de subvención en participación cidadá, asociacionismo e convivencia comunitaria
- 6.9. Liñas de subvención en medio ambiente, transición ecolóxica, mobilidade sostible e benestar animal
- 6.10. Liñas de subvención en seguridade, protección civil e emerxencias
- 6.11. Outras liñas de subvención de carácter singular ou transversal

7 → PLANIFICACIÓN FINANCEIRA PLURIANUAL _ páx. 56

- 7.1. Estimación global de recursos para o período de vixencia
- 7.2. Distribución estimada por liñas e áreas de gasto
- 7.3. Condicionantes derivados da estabilidade orzamentaria e da sustentabilidade financeira

8 → SEGUIMIENTO, AVALIACIÓN E REVISIÓN DO PLAN _ páx. 61

- 8.1. Sistema de indicadores de seguimento por liñas de subvención
- 8.2. Informes periódicos de execución e avaliación
- 8.3. Procedemento de revisión, adaptación e, se é o caso, prórroga do Plan

1 OBXECTO, ÁMBITO → DE APLICACIÓN E VIXENCIA DO PLAN

1.1. OBXECTO DO PLAN ESTRATÉXICO DE SUBVENCÍONS

O presente Plan Estratéxico de Subvencións do Concello de Arteixo configúrase como o instrumento básico de planificación da actividade subvencional municipal para o período 2027-2029, dando cumprimento ao previsto no artigo 8 da Lei 38/2003, do 17 de novembro, xeral de subvencións, e na restante normativa de aplicación. Ten por obxecto ordenar, de maneira coherente e transparente, o conxunto de subvencións que o Concello de Arteixo prevé conceder durante o período de vixencia do Plan, garantindo a adecuada correspondencia entre as necesidades públicas detectadas, os recursos dispoñibles e os obxectivos da acción de goberno, supeditando en todo caso a programación subvencional ao cumprimento dos principios de estabilidade orzamentaria e sustentabilidade financeira.

A través deste Plan preténdese, en particular, asegurar que a actividade de fomento municipal contribúe de forma eficaz á consecución de fins de interese xeral, mellora a calidade de vida da veciñanza e reforza o tecido social, económico, cultural e asociativo do termo municipal, de acordo cos principios de publicidade, transparencia, concorrencia, obxectividade, igualdade, non discriminación, eficacia, eficiencia e boa xestión dos fondos públicos recollidos na Lei xeral de subvencións.

1.2. ÁMBITO SUBXECTIVO: ENTIDADES INCLUÍDAS NO PLAN

O ámbito subxectivo do presente Plan abrangue o Concello de Arteixo, a través dos seus distintos servizos, áreas e departamentos, en relación con todas aquelas subvencións que se instrumenten ao abeiro dos correspondentes créditos consignados nos orzamentos municipais. Quedan expresamente excluídas do ámbito deste Plan aquelas entidades dependentes ou vinculadas ao Concello de Arteixo que non teñan atribuída a competencia para o establecemento, xestión ou concesión de subvencións, sen prexuízo da necesaria coordinación institucional que, de ser o caso, poida establecerse respecto doutras medidas de apoio ou de fomento de natureza distinta ás subvencións reguladas pola Lei 38/2003, do 17 de novembro, xeral

de subvencións. Na estrutura organizativa municipal actual, a entidade dependente SUMARTE desenvolve funcións vinculadas á xestión de servizos urbanos municipais, entre eles o servizo de abastecemento e saneamento de auga, sen que conste que exerza competencias propias en materia de concesión de subvencións. En consecuencia, o presente Plan céntrase materialmente na actividade subvencional promovida directamente polo propio Concello de Arteixo.

1.3. ÁMBITO TEMPORAL, SEGUIMIENTO E REVISIÓN DO PLAN

O presente Plan Estratéxico de Subvencións ten carácter plurianual e esténdese ao período comprendido entre os exercicios orzamentarios 2027 e 2029, ambos inclusive, sen prexuízo de que as distintas liñas de subvención nel integradas poidan ter, en función da súa natureza e da correspondente programación orzamentaria, unha vixencia anual ou inferior dentro dese marco temporal.

Con carácter xeral, o Plan será obxecto de seguimento e avaliación anual, á vista da información derivada da execución das distintas liñas de subvención, dos resultados acadados e das dispoñibilidades orzamentarias existentes en cada exercicio. Sobre esta base, poderá ser revisado, actualizado, adaptado ou, se é o caso, prorrogado mediante acordo do órgano competente cando concorran circunstancias que xustifiquen modificacións relevantes na planificación inicialmente aprobada.

En todo caso, a vixencia e efectividade do presente Plan entenderanse condicionadas ao cumprimento dos principios de estabilidade orzamentaria e sustentabilidade financeira, así como ás previsións contidas nos orzamentos anuais e nos instrumentos de planificación económico-financeira do Concello de Arteixo.

2 MARCO → NORMATIVO E CONCEPTUAL

2.1. NORMATIVA XERAL DE SUBVENCIÓNS

A actividade subvencional do Concello de Arteixo enmárcase, con carácter básico, no disposto na seguinte normativa:

- Constitución Española de 1978, e en particular o artigo 31.2, que establece que o gasto público realizará unha asignación equitativa dos recursos públicos e que a súa programación e execución responderán aos criterios de eficiencia e economía.
- Lei 38/2003, do 17 de novembro, xeral de subvencións, e o seu Regulamento de desenvolvemento, aprobado polo Real Decreto 887/2006, do 21 de xullo, que regulan o réxime xurídico das subvencións públicas, os seus principios xerais, o procedemento de concesión, xestión, xustificación, control e reintegro, así como o contido e alcance dos plans estratéxicos de subvencións.
- Demais normativa básica estatal en materia de réxime xurídico do sector público, procedemento administrativo común, estabilidade orzamentaria e sustentabilidade financeira, na medida en que resulte de aplicación ás subvencións municipais.

En particular, este Plan dá cumprimento ao mandato recollido no artigo 8 da Lei 38/2003, polo que os órganos das administracións públicas deben concretar nun plan estratéxico de subvencións, con carácter previo ao establecemento das axudas, os obxectivos e efectos que se pretenden coa súa aplicación, o prazo necesario para a súa consecución, os custos previsibles e as súas fontes de financiamento, supeditando en todo caso esta planificación ao cumprimento dos obxectivos de estabilidade orzamentaria.

2.2. NORMATIVA ESPECÍFICA APLICABLE AO CONCELLO DE ARTEIXO

Ademais da normativa básica estatal sinalada, a actividade de fomento do Concello de Arteixo rexerase pola normativa autonómica e local que resulte de aplicación, entre a que cabe salientar:

- A normativa autonómica da Comunidade Autónoma de Galicia en materia de facenda pública, réxime local e subvencións, e, en particular, a Lei 9/2007, do 13 de xuño, de subvencións de Galicia, e o seu regulamento de desenvolvemento, así como aquelas disposicións sectoriais que establezan réximes específicos para determinadas liñas de axuda ou programas cofinanciados.
- A Ordenanza Municipal nº 26 reguladora das bases de execución das subvencións, así como a normativa municipal vixente en materia orzamentaria e as bases de execución do orzamento de cada exercicio, no que atinxe á tramitación, xestión, concesión e xustificación das subvencións municipais.
- As bases reguladoras e convocatorias específicas das diferentes liñas de subvención aprobadas polo Concello de Arteixo ao abeiro deste Plan, que concretan, para cada programa de axudas, os requisitos das persoas e entidades beneficiarias, os importes, os criterios de valoración, as obrigas e as demais condicións de aplicación.

O presente Plan Estratéxico de Subvencións ten carácter marco e programático respecto destas bases reguladoras e convocatorias, que deberán ser coherentes cos obxectivos, liñas de actuación e limitacións financeiras recollidos nel, sen prexuízo da súa tramitación e aprobación mediante os procedementos correspondentes.

Na situación actual do Concello de Arteixo existe un Plan Estratéxico de Subvencións anterior correspondente ao período 2023-2025, prorrogado para o exercicio 2026, así como a Ordenanza Municipal nº 26 reguladora das bases de execución das subvencións e as diversas bases reguladoras específicas das distintas liñas municipais. O presente Plan non substitúe esta normativa, senón que a complementa, adquirindo especial relevancia como instrumento de planificación estratéxica que ordena e harmoniza, sobre esa base xurídica xa existente, o conxunto da política municipal de subvencións.

2.3. RELACIÓN CON OUTROS PLANS E ESTRATEXIAS MUNICIPAIS

O presente Plan Estratéxico de Subvencións intégrase no conxunto da planificación municipal de medio e longo prazo e, singularmente:

- Na planificación económico-financeira do Concello de Arteixo, incluíndo os orzamentos anuais, os plans económico-financeiros e

demais instrumentos que concreten os obxectivos de estabilidade orzamentaria e sustentabilidade financeira.

- Nos plans e estratexias sectoriais que conteñan obxectivos ligados á actividade subvencional municipal, con especial referencia ás políticas sociais, culturais, deportivas, de emprego e promoción económica, de xuventude, igualdade, participación cidadá, medio ambiente, mobilidade e protección civil.

En particular, este Plan toma como precedente e referencia o Plan Estratéxico de Subvencións do Concello de Arteixo para o período 2023-2025, prorrogado para o exercicio 2026, cuxas liñas de actuación e experiencias de execución se teñen en conta para deseñar e actualizar a política subvencional municipal no novo período 2027-2029. Así mesmo, o Plan aliñarase cos obxectivos e liñas de actuación recollidos na Axenda Urbana e Rural de Arteixo e nos documentos asociados á Axenda 2030, garantindo que as subvencións municipais contribúan de forma coherente á consecución dos fitos identificados nese marco estratéxico e ao avance nos Obxectivos de Desenvolvemento Sostible. A actividade subvencional definirá, deste xeito, un marco coherente co conxunto das políticas públicas municipais, evitando solapamentos innecesarios, reforzando a coordinación interna entre departamentos e optimizando o impacto dos recursos destinados ao fomento.

3 DIAGNÓSTICO DA POLÍTICA MUNICIPAL DE SUBVENCIONES

3.1. ANÁLISE HISTÓRICA DAS SUBVENCIONES CONCEDIDAS

A análise da actividade subvencional municipal correspondente aos exercicios 2021 a 2026 pon de manifesto unha evolución desigual no volume económico total dos capítulos 4 e 7, así como na configuración das distintas liñas de axuda, o que fai necesario distinguir entre exercicios de carácter extraordinario e anualidades máis representativas dun escenario ordinario. En particular, o exercicio 2021 presenta un comportamento singular como consecuencia da posta en marcha de medidas excepcionais de apoio ao tecido económico local vinculadas aos efectos da COVID-19, circunstancia que condiciona a lectura da serie histórica e obriga a interpretar con cautela as comparacións directas co resto de anos.

No exercicio 2021, o volume total de subvencións e achegas encadrables nos capítulos 4 e 7 ascendeu a 6.603.661,79 euros. Dentro dese exercicio destaca, polo seu peso específico, a liña de axudas para impulsar a actividade económica e paliar os efectos da COVID-19 dirixida a persoas autónomas e microempresas, dotada con 2.242.810,82 euros, que elevou de forma notable o volume total da política subvencional municipal nese ano e evidenciou a capacidade do Concello de Arteixo para mobilizar recursos extraordinarios ante unha situación de emerxencia económica e social.

A partir de 2022 obsérvase unha redución significativa do volume global, situándose xa nunha escala máis próxima ao que pode considerarse un comportamento ordinario da política subvencional municipal. Así, en 2022 o total dos capítulos 4 e 7 alcanza 4.269.613,97 euros, mentres que en 2023 o volume agregado acadou 3.268.943,61 euros, dos que 617.650 euros corresponden a subvencións nominativas e 2.651.293,61 euros ao resto de conceptos, o que permite apreciar unha política de fomento xa estabilizada tras o pico extraordinario de 2021.

No exercicio 2024 prodúcese un novo incremento, acadando os capítulos 4 e 7 un total de 4.812.758,02 euros, reflectindo un reforzo do esforzo subvencional municipal nese exercicio. En 2025, pola súa banda, o volume total sitúase en 3.915.617,13 euros, mantendo unha escala de gasto en subvencións relevante e en liña coas magnitudes medias do período recente.

Polo que respecta ao exercicio 2026, a información dispoñible ten carácter inicial ou previsional, ao non constar aínda datos pechados do exercicio. Segundo as previsións, o total previsto nos capítulos 4 e 7 ascende a 3.723.117,13 euros, dos cales 286.150 euros corresponden a subvencións nominativas e 3.436.967,13 euros ao resto de conceptos, o que confirma a vontade municipal de manter un nivel de esforzo subvencional consolidado.

No relativo ao grao de aplicación efectiva dos créditos consignados, cómpre salientar que a execución das subvencións municipais responde a factores estruturais propios da natureza de cada instrumento, e non unicamente á intensidade da xestión municipal. Así, as subvencións de concorrencia competitiva e as nominativas suxeitas a xustificación posterior dependen, en boa medida, dos prazos de presentación de solicitudes, da execución das actividades por parte das propias entidades beneficiarias e dos prazos legais de xustificación, mentres que as subvencións de capital do capítulo 7 están habitualmente vinculadas a proxectos plurianuais, a procesos de contratación pública ou á obtención de cofinanciamento doutras administracións, circunstancias que inflúen no ritmo de execución sen que isto implique unha menor intensidade do compromiso municipal coas liñas de axuda previstas. Neste sentido, o presente Plan incorpora, no seu capítulo 8, un sistema de indicadores específico que permitirá realizar un seguimento máis detallado e contextualizado do grao de execución de cada liña ao longo do período 2027-2029.

Desde unha perspectiva global, a serie examinada permite concluír que, malia as oscilacións cuantitativas derivadas de circunstancias extraordinarias como a crise sanitaria, existe unha base de continuidade e un compromiso orzamentario sostido en determinadas áreas de actuación subvencional que se reiteran ao longo dos distintos exercicios. Entre estas destacan, polo seu peso recorrente, as actuacións de carácter social e asistencial, a educación e o apoio aos centros e ANPAS, a promoción cultural e deportiva, o apoio ao tecido comercial e asociativo e determinadas liñas de investimento e mobilidade de interese municipal, que conforman o núcleo estrutural da política subvencional do Concello de Arteixo.

En definitiva, a evolución observada entre 2021 e 2026 permite identificar un primeiro exercicio claramente condicionado por medidas extraordinarias derivadas da crise sanitaria e un conxunto posterior de anualidades nas que a política subvencional municipal mantén unha configuración estable, recorrente e cun elevado nivel de compromiso orzamentario. Esta constatación resulta especialmente relevante para o presente Plan Estratéxico de Subvencións 2027-2029, na medida en que permite tomar como referencia principal os patróns ordinarios consolidados nos últimos exercicios, reforzando a vontade municipal de manter e, na medida do

posible, incrementar o esforzo subvencional nos ámbitos de maior interese público para a veciñanza de Arteixo.

3.2. PRINCIPAIS ÁREAS DE ACTUACIÓN SUBVENCIONAL

A análise das partidas e programas recollidos nos capítulos 4 e 7 dos exercicios 2021 a 2026 permite identificar un conxunto de áreas nas que a actividade subvencional municipal presenta un carácter recorrente e estrutural. Estas áreas configuran o núcleo da política de fomento do Concello de Arteixo e constitúen a base sobre a que se diseña o presente Plan estratéxico de subvencións.

En primeiro lugar, destaca o ámbito social e asistencial, no que se inclúen tanto subvencións nominativas a entidades do terceiro sector como liñas de concorrencia dirixidas a apoiar programas de intervención social, atención a colectivos vulnerables e emerxencia social. A información disponible recolle de forma continuada achegas a entidades como Cáritas, ASPACE, ADACECO, APEM e outras organizacións de ámbito social, así como partidas específicas de emerxencia e recursos destinados ao centro de maiores, o que pon de manifesto a vontade municipal de manter unha rede de apoio estable ás necesidades sociais da veciñanza.

En segundo lugar, a política subvencional municipal presenta unha liña consolidada de apoio ao sistema educativo local e á comunidade escolar, a través de diferentes instrumentos. Entre eles salientan as achegas ás ANPAS para a xestión dos comedores escolares, as subvencións e convenios para mantemento tecnolóxico e equipamento dos centros educativos, as bolsas de comedor e outros programas vinculados ao funcionamento dos consellos escolares e á mellora das condicións materiais nos colexios e institutos. Do conxunto de exercicios analizados despréndese a existencia dun compromiso continuado coa garantía de condicións axeitadas de escolarización e co apoio ao papel das comunidades educativas no termo municipal.

En terceiro lugar, e de maneira igualmente recorrente, configúrase un ámbito cultural e de dinamización sociocultural, no que se combinan subvencións nominativas a entidades culturais como a Banda de Música de Arteixo, o Orfeón ou asociacións xuvenís e culturais con liñas de concorrencia para actividades culturais, festas, comisións de festas e iniciativas de dinamización comunitaria. Xunto a estas partidas, inclúense convocatorias de premios (Entroido, Festa das Flores, premios literarios ou de promoción cultural) e achegas para equipamentos culturais, o que reflicte unha política de fomento orientada a soster a vida cultural e o asociacionismo no conxunto das parroquias e núcleos de poboación.

En cuarto lugar, cómpre salientar o ámbito deportivo, no que se aprecia tanto o apoio a entidades deportivas concretas, mediante subvencións nominativas, como a existencia de partidas de concorrencia para actividades deportivas e bolsas ou axudas a deportistas. As achegas a clubs e entidades de distinta natureza e a dotación de recursos para programas de deporte federado, deporte base e actividade física no municipio evidencian a relevancia desta área na política de fomento municipal e a súa contribución á promoción de hábitos de vida saudable.

En quinto lugar, a serie histórica recolle un conxunto de actuacións vinculadas á promoción económica, ao emprego e ao comercio local, materializadas en partidas de fomento do emprego, en convenios e programas de dinamización e promoción comercial, así como en liñas puntuais de apoio á actividade económica en determinados exercicios. De maneira singular, no ano 2021 figura unha liña extraordinaria de axudas para o impulso da actividade económica e para paliar os efectos da COVID-19 dirixida a persoas autónomas e microempresas, que supuxo un incremento excepcional do volume subvencional dese exercicio.

Xunto a estes bloques, a política subvencional municipal inclúe tamén liñas de apoio ao tecido asociativo veciñal e á participación cidadá, a través de partidas destinadas a asociacións veciñais, organización de festas e eventos, carpas e outras actividades de dinamización comunitaria. Esta liña contribúe a fortalecer o tecido organizativo de base e a facilitar a implicación da cidadanía na vida colectiva e no desenvolvemento de iniciativas de interese local.

Finalmente, cómpre mencionar a existencia de liñas subvencionais ligadas a actuacións de investimento e servizos de interese xeral, recollidas principalmente no capítulo 7, entre as que se atopan achegas para proxectos de accesibilidade e eficiencia enerxética, saneamento, equipamentos educativos e culturais, así como partidas vinculadas ao transporte metropolitano. Aínda que nalgúñas destas áreas a fronteira entre subvención e outros instrumentos de gasto público (contratos, convenios de colaboración doutro tipo, etc.) pode variar ao longo do tempo, os datos analizados permiten constatar que o Concello de Arteixo vén empregando a fórmula subvencional como mecanismo relevante para apoiar investimentos e servizos que repercuten directamente na calidade de vida da poboación.

No ámbito da rehabilitación edificatoria, a experiencia acumulada permite identificar unha base previa de actuación municipal en materia de accesibilidade e mellora das condicións dos edificios. Esta experiencia, xunto coa existencia no termo municipal de ámbitos declarados como Área de Rehabilitación Integral —caso das ARI de Meicende-O Petón e do núcleo de Oseiro— e coas necesidades de conservación, accesibilidade e eficiencia enerxética do parque residencial existente, permite valorar unha evolución

das actuais axudas de accesibilidade cara a unha política subvencional máis ampla de rehabilitación e rexeneración edificatoria, complementaria das actuacións doutras administracións públicas neste ámbito.

No seu conxunto, este mapa de áreas de actuación pon de manifesto que a política subvencional municipal non se limita a un número reducido de programas illados, senón que configura un sistema relativamente amplo e diversificado de apoios públicos, articulado arredor de ámbitos que se reiteran de forma consistente ao longo dos exercicios analizados. Esta constatación servirá de base, nos apartados seguintes, para a formulación dun diagnóstico máis detallado das fortalezas, debilidades, oportunidades e ameazas asociadas á política de subvencións e para a definición dos obxectivos estratéxicos do novo Plan.

3.3. ANÁLISE DAFO DA POLÍTICA MUNICIPAL DE SUBVENCIONS

A análise da información económica correspondente aos exercicios 2021 a 2026, xunto coa documentación sectorial achegada polos servizos municipais, permite realizar unha primeira aproximación ás principais fortalezas, debilidades, oportunidades e ameazas que afectan á política municipal de subvencións do Concello de Arteixo. Esta análise ten carácter instrumental e orientador, e deberá completarse, no seu caso, coas achegas que poidan formular outros departamentos municipais no proceso de elaboración definitiva do presente Plan Estratéxico de Subvencións 2027-2029.

↑ FORTALEZAS

Como primeira fortaleza, obsérvase a existencia dunha actividade subvencional consolidada e sostida no tempo, con presenza recorrente de liñas de apoio en ámbitos sociais, educativos, culturais, deportivos, veciñais, económicos e de investimento. A reiteración destas áreas ao longo dos distintos exercicios evidencia a existencia dunha política municipal de fomento estable e cunha base material suficientemente definida para ser obxecto de planificación estratéxica.

En segundo lugar, apréciase unha diversificación dos instrumentos de apoio, combinándose subvencións nominativas, convocatorias de concorrência competitiva, premios e achegas de capital no capítulo 7. Esta pluralidade permite adaptar a acción municipal á distinta natureza dos intereses públicos perseguidos e ás características específicas dos beneficiarios e dos proxectos financiados.

En terceiro lugar, os datos permiten identificar a existencia dun tecido asociativo e institucional receptor das axudas cunha certa continuidade, especialmente nos ámbitos social, educativo, cultural, deportivo e veciñal. Este tecido amosa, en xeral, unha alta participación nas actividades subvencionadas e un incremento progresivo do número de entidades que solicitan axudas municipais, o que reforza a utilidade pública da acción subvencional.

Finalmente, debe salientarse como fortaleza a capacidade municipal de adaptación da política subvencional a contextos extraordinarios, como se puxo de manifesto no exercicio 2021 coa habilitación dunha liña específica de apoio á actividade económica para paliar os efectos da COVID-19 sobre persoas autónomas e microempresas. Esta capacidade de resposta evidencia que o sistema subvencional municipal non só cumpre unha función ordinaria de fomento, senón tamén unha función de reacción ante situacións excepcionais cando así o requiren as necesidades sociais e económicas do municipio.

↓ DEBILIDADES

En primeiro lugar, non todas as subvencións municipais se xestionan do mesmo xeito. Uns anos hai máis peso de subvencións nominativas, outros de concorrencia competitiva, premios ou axudas de investimento, e non sempre se aplican os mesmos criterios nin a mesma forma de traballar entre departamentos. Isto fai que sexa máis difícil ter unha visión de conxunto clara de toda a actividade subvencional, e aconsella que, de cara ao futuro, se unifiquen máis os criterios de xestión entre as distintas áreas.

En segundo lugar, o importe total dedicado a subvencións varía bastante dun ano a outro. Por exemplo, en 2021 destinouse máis diñeiro do habitual por mor das axudas COVID-19, e noutros anos o importe baixa ou sube en función de se hai máis ou menos convocatorias, se chegan axudas doutras administracións ou se hai investimentos que se executan en varios anos. Por iso, non ten moito sentido comparar un ano solto con outro; é mellor mirar a media de varios anos, como se fai no capítulo 7 coa media 2023-2025, para ter unha imaxe máis realista.

En terceiro lugar, non todas as asociacións e entidades teñen a mesma capacidade para presentarse ás convocatorias de subvencións. Algunhas contan con máis experiencia ou máis persoal para facer os trámites, e outras teñen máis dificultades para acceder en igualdade de condicións, especialmente no ámbito do asociacionismo veciñal e social. Isto pode facer que unhas entidades aproveiten mellor as axudas que outras, polo

que sería positivo estudar medidas de axuda ou acompañamento ás entidades máis pequenas ou con menos experiencia administrativa.

Finalmente, para elaborar este Plan foi necesario pedir información a moitos departamentos distintos, e nalgúns ámbitos só se dispuxo de datos parciais ou aínda por concretar. Isto amosa que sería útil mellorar a forma en que se recolle e se actualiza esta información dentro do Concello, para que no futuro sexa máis fácil facer o seguimento deste Plan e preparar os seguintes.

→ OPORTUNIDADES

En primeiro lugar, a propia elaboración deste Plan Estratéxico de Subvencións 2027-2029 é unha boa oportunidade para ordenar e mellorar toda a actividade subvencional do Concello. Permite definir con máis claridade que se quere conseguir con cada axuda, cales son as liñas prioritarias e como se van medir os resultados.

En segundo lugar, hai marxe para reforzar aínda máis a participación cidadá e o traballo comunitario en distintos ámbitos —veciñal, cultural, deportivo e educativo—, fomentando actividades interxeracionais e inclusivas e unha maior colaboración das entidades coas iniciativas organizadas directamente polo Concello.

En terceiro lugar, a experiencia acumulada nestes anos permite mellorar a forma de facer seguimento das subvencións en todos os ámbitos, definindo indicadores comúns como o número de entidades beneficiarias, o número de actividades subvencionadas ou a porcentaxe de crédito executado, e aplicando este mesmo modelo de forma homoxénea en cada área municipal.

Por último, este Plan é unha boa ocasión para escoller mellor, para cada tipo de axuda, cal é a fórmula máis axeitada (subvención nominativa, convocatoria aberta, convenio, etc.), evitando mesturar fórmulas distintas sen un criterio claro. Isto faría que todo o sistema fose máis transparente e máis fácil de entender tanto para os traballadores municipais como para a cidadanía.

← AMEAZAS

En primeiro lugar, o encarecemento xeral de actividades e servizos pode facer que o diñeiro dispoñible non chegue para cubrir as mesmas necesidades que antes, unha circunstancia que afecta por igual ás

entidades sociais, culturais, deportivas e veciñais que organizan actividades co apoio municipal.

En segundo lugar, poden aparecer situacións excepcionais, como xa pasou coa pandemia en 2021, que obriguen ao Concello a crear novas axudas urxentes ou a redistribuír diñeiro doutras liñas. Isto é positivo como capacidade de resposta, pero tamén supón un risco se non se planifica con marxe suficiente.

En terceiro lugar, se cada vez hai máis entidades e persoas que solicitan subvencións en calquera dos ámbitos do Plan, pode chegar un punto en que o diñeiro dispoñible non sexa suficiente para atender todas as peticións, especialmente nas áreas onde a demanda creza máis rápido que os recursos dispoñibles.

Por último, algunhas subvencións que se veñen concedendo desde hai anos poderían necesitar actualizarse, para axustalas mellor ás esixencias actuais en canto a obxectivos claros, formas de avaliar resultados e elección da fórmula xurídica máis adecuada. Isto non quere dicir que haxa que eliminar ningunha axuda, senón simplemente revisalas de forma ordenada para mellorar aínda máis a súa xestión.

↕ VALORACIÓN XERAL

En conxunto, esta análise amosa que o Concello de Arteixo parte dunha base moi sólida en materia de subvencións: unha actividade ampla, consolidada e valorada pola veciñanza. Ao mesmo tempo, hai marxe de mellora en aspectos como a coordinación interna, a homoxeneización de criterios e o acompañamento ás entidades con menos capacidade de xestión. O novo Plan Estratéxico de Subvencións 2027-2029 debe servir precisamente para iso: aproveitar o que xa funciona ben, mellorar o que se pode mellorar, e estar preparado para adaptarse a novas necesidades ou situacións que poidan xurdir no futuro.

4 PRINCIPIOS REITORES E CRITERIOS XERAIS DE ACTUACIÓN

Os criterios de deseño, execución e avaliación das subvencións municipais que se recollen neste Plan Estratéxico de Subvencións sométense, en todo caso, aos principios xerais que informan o réxime xurídico das subvencións públicas e, en particular, aos recollidos na Lei 38/2003, do 17 de novembro, xeral de subvencións, na súa normativa de desenvolvemento e na normativa autonómica e local aplicable. Estes principios constitúen o marco común ao que deberán axustarse as distintas liñas de subvención incluídas no Plan, así como as bases reguladoras e convocatorias específicas que as desenvolvan.

4.1. PRINCIPIOS DE LEGALIDADE, EFICACIA, EFICIENCIA E ESTABILIDADE ORZAMENTARIA

A actividade subvencional do Concello de Arteixo rexerase, en primeiro lugar, polo **principio de legalidade**, o que implica que a creación, modificación e supresión de liñas de subvención deberán axustarse en todo momento ao ordenamento xurídico vixente, á normativa básica estatal, á normativa autonómica de Galicia e ás disposicións municipais de aplicación. As bases reguladoras e convocatorias deberán respetar estritamente as previsións da Lei 38/2003, do seu Regulamento de desenvolvemento e da normativa orzamentaria, procedemental e de réxime xurídico do sector público.

Xunto ao anterior, as subvencións municipais sométense ao **principio de eficacia**, entendida como a contribución real dos recursos públicos á consecución dos obxectivos de interese xeral definidos neste Plan e nos plans e estratexias sectoriais municipais. Cada liña de subvención deberá xustificar a súa necesidade e a súa adecuación para dar resposta a necesidades públicas concretas, evitando actuacións redundantes ou de escaso impacto sobre a realidade social, económica, cultural ou ambiental do termo municipal.

Do mesmo xeito, as subvencións deberán atender ao **principio de eficiencia**, que esixe unha asignación e utilización racional dos recursos públicos, de maneira que se obteñan os mellores resultados posibles co menor custe

posible e se procure a sustentabilidade financeira da actividade de fomento. Este principio tradúcese na conveniencia de establecer criterios obxectivos de priorización, de fixar importes proporcionados aos fins perseguidos e de incorporar mecanismos de avaliación que permitan valorar a relación entre os custos e os beneficios das distintas liñas de axuda.

Finalmente, o conxunto da programación subvencional quedará supeditado ao **principio de estabilidade orzamentaria e sustentabilidade financeira**, de conformidade co artigo 8 da Lei 38/2003 e coa normativa en materia de estabilidade orzamentaria. O Plan, así como as liñas de subvención nel previstas, entenderanse condicionados ás dotacións efectivamente consignadas nos orzamentos municipais de cada exercicio, así como aos límites e obxectivos derivados dos instrumentos de planificación económico-financeira do Concello de Arteixo.

4.2. PRINCIPIOS DE TRANSPARENCIA, PUBLICIDADE E CONCORRENCIA

A concesión de subvencións municipais someterase, con carácter xeral, aos principios de transparencia, publicidade e concorrencia, co obxecto de garantir o acceso en condicións de igualdade das persoas e entidades potencialmente beneficiarias e de reforzar a confianza cidadá na xestión dos fondos públicos.

O principio de **transparencia** materializarase mediante a aprobación e publicación das correspondentes bases reguladoras e convocatorias, a difusión dos requisitos de acceso, criterios de valoración e obrigas das entidades beneficiarias, así como mediante a publicidade das subvencións concedidas a través dos instrumentos previstos pola normativa vixente, incluíndo, no seu caso, a Base de Datos Nacional de Subvencións e a sede electrónica municipal.

O principio de **publicidade** esixirá que as convocatorias se difundan polos medios máis axeitados para asegurar que chegan ás potenciais persoas e entidades interesadas, utilizando, entre outros, o Boletín Oficial da Provincia, a sede electrónica municipal e os demais canais de comunicación institucional que se consideren oportunos en función da natureza da liña de axuda.

Pola súa parte, o principio de **concorrencia competitiva** implicará, como regra xeral, que as subvencións se outorguen mediante procedementos abertos nos que as solicitudes sexan avaliadas de acordo con criterios obxectivos, previamente fixados nas bases reguladoras, e nos que a asignación dos recursos atenda á comparación entre as solicitudes presentadas e á dispoñibilidade orzamentaria existente. Só se acudirá á modalidade de subvencións nominativas ou de concesión directa nos supostos legalmente

previstos e debidamente xustificados, de acordo co marco normativo aplicable.

4.3. IGUALDADE DE OPORTUNIDADES, INCLUSIÓN SOCIAL E PERSPECTIVA DE XÉNERO

A actividade de fomento municipal rexeráse, así mesmo, polo principio de igualdade de oportunidades e non discriminación, garantindo que a concesión de subvencións non introduza diferenzas inxustificadas entre persoas, entidades ou colectivos e que, pola contra, contribúa á corrección das desigualdades existentes. As bases reguladoras deberán evitar calquera discriminación por razón de nacemento, raza, sexo, relixión, opinión ou calquera outra condición ou circunstancia persoal ou social, e poderán prever medidas específicas de acción positiva cando así o xustifiquen as necesidades detectadas.

En coherencia coas políticas municipais de servizos sociais, igualdade e inclusión, as subvencións poderán dirixirse de maneira preferente, ou establecer criterios de valoración específicos, para favorecer a atención a colectivos en situación de vulnerabilidade, exclusión ou desvantaxe social, garantindo que a acción de fomento contribúe a mellorar a cohesión social e a redución das desigualdades no termo municipal.

Así mesmo, o Plan incorpora a perspectiva de xénero como criterio transversal de actuación, promovendo que as distintas liñas de subvención contribúan, na medida do posible, a avanzar na igualdade efectiva entre mulleres e homes. Neste sentido, as bases reguladoras poderán incluír indicadores, requisitos ou criterios de valoración relacionados coa igualdade de xénero, coa conciliación da vida persoal, familiar e laboral e coa prevención de calquera forma de violencia ou discriminación por razón de sexo.

4.4. COORDINACIÓN CON OUTRAS ADMINISTRACIÓNS E EVITACIÓN DE DUPLICIDADES

Finalmente, a política subvencional municipal atenderá ao principio de coordinación co resto de administracións públicas e coa propia organización municipal, co obxecto de optimizar o uso dos recursos e evitar solapamentos ineficientes. O Concello de Arteixo terá en conta, na definición e execución das súas liñas de subvención, a existencia doutras axudas doutros niveis de goberno (Comunidade Autónoma, Estado, Unión Europea) e procurará a complementariedade das actuacións, evitando a duplicidade innecesaria de apoios sobre os mesmos obxectos ou custos. Este principio de coordinación

Arteixo

esténdese tamén ao interior da propia organización municipal, favorecendo a colaboración entre departamentos e servizos á hora de deseñar, tramitar e avaliar as subvencións, co fin de mellorar a coherencia do conxunto da política de fomento. O Plan Estratéxico de Subvencións configúrase, neste sentido, como un instrumento común que debe servir de referencia para ordenar e harmonizar as diferentes iniciativas subvencionais municipais, reducindo o risco de solapamentos, incoherencias ou baleiros na resposta ás necesidades públicas detectadas.

5 OBXECTIVOS ESTRATÉXICOS DO PLAN

Os obxectivos do presente Plan Estratéxico de Subvencións do Concello de Arteixo para o período 2027-2029 defínense a partir do diagnóstico realizado, dos principios reitores recollidos no capítulo anterior e da experiencia acumulada na xestión das subvencións municipais nos exercicios 2021-2026. Estes obxectivos teñen carácter marco e pretenden orientar o conxunto da actividade subvencional municipal, ofrecendo un referente común para as diferentes liñas de axuda, para as súas bases reguladoras e convocatorias específicas e para a posterior avaliación dos resultados acadados. O Plan configúrase, deste xeito, como un instrumento de planificación dirixido a concretar os obxectivos e efectos que se pretenden coa actividade subvencional municipal, o prazo necesario para a súa consecución e a súa conexión coas previsións económico-financeiras do Concello, todo iso en coherencia co principio de estabilidade orzamentaria. Así mesmo, os obxectivos que se establecen neste capítulo deberán interpretarse de forma coordinada coas prioridades recollidas na Axenda Urbana e Rural de Arteixo e no seu marco estratéxico, na medida en que as subvencións constitúen un instrumento relevante para apoiar fins de interese público no ámbito social, económico, territorial e ambiental.

5.1. OBXECTIVOS XERAIS LIGADOS ÁS POLÍTICAS PÚBLICAS MUNICIPAIS

Como obxectivo xeral, o Plan procura ordenar, racionalizar e dotar de maior coherencia a actividade subvencional municipal, asegurando a súa adecuación ás políticas públicas do Concello de Arteixo, ao marco normativo aplicable e ás disponibilidades orzamentarias de cada exercicio. Trátase de garantir que as subvencións se configuren como un instrumento eficaz de apoio a fins de interese xeral e de impulso das prioridades municipais, e non como unha suma dispersa de actuacións illadas sen conexión suficiente cunha estratexia común.

En desenvolvemento deste obxectivo xeral, o Plan persegue, en particular, os seguintes fins:

- a) Asegurar a contribución efectiva das subvencións á mellora da calidade de vida da veciñanza de Arteixo, reforzando o tecido social, económico, cultural, deportivo, educativo e asociativo do municipio e favorecendo a cohesión territorial e social.
- b) Incrementar a eficacia e a eficiencia da actividade de fomento, orientando os recursos públicos cara ás liñas e programas que presenten maior utilidade pública e maior capacidade de impacto social, económico, comunitario ou ambiental, e evitando a proliferación de axudas de escasa entidade ou difícil xustificación estratéxica.
- c) Reforzar a transparencia, a publicidade e a concorrência na concesión de subvencións, de maneira que as persoas e entidades interesadas dispoñan de información suficiente sobre as liñas existentes, os requisitos de acceso, os criterios de valoración, os procedementos de concesión e os resultados da xestión.
- d) Garantir a coherencia da política subvencional coas esixencias de estabilidade orzamentaria e sustentabilidade financeira, axustando a programación das liñas de axuda ás previsións dos orzamentos municipais, aos custos previsibles e ás fontes de financiamento disponibles.
- e) Mellorar a coordinación interna entre os distintos departamentos municipais e a coordinación externa con outras administracións públicas, evitando solapamentos innecesarios, reforzando a complementariedade das axudas e optimizando o uso dos recursos públicos.
- f) Incorporar de maneira transversal a igualdade de oportunidades, a inclusión social e a perspectiva de xénero na definición, execución e avaliación das liñas de subvención, contribuíndo á redución das desigualdades e á prevención de situacións de exclusión ou discriminación.
- g) Favorecer unha maior orientación a resultados da política subvencional municipal, promovendo a definición de indicadores de seguimento e avaliación que permitan medir o grao de execución, o alcance das actuacións financiadas e a súa contribución efectiva aos obxectivos públicos perseguidos.
- h) Aliñar a actividade subvencional municipal cos instrumentos estratéxicos do Concello e, en particular, coa Axenda Urbana e

Rural de Arteixo, de maneira que as subvencións contribúan, na medida do posible, ao desenvolvemento sostible, á cohesión territorial, á inclusión social, á dinamización comunitaria e á mellora da calidade de vida no municipio.

5.2. OBXECTIVOS ESPECÍFICOS POR ÁMBITOS DE INTERVENCIÓN

Sobre a base das áreas de actuación identificadas no diagnóstico, o Plan formula os seguintes obxectivos específicos por ámbitos de intervención, que deberán ser concretados e desenvolvidos a través das correspondentes liñas de subvención, das súas bases reguladoras e dos instrumentos de seguimento e avaliación que resulten aplicables en cada caso. Estes obxectivos específicos deberán interpretarse de forma complementaria aos obxectivos xerais do punto anterior e en coherencia coas prioridades sociais, económicas, territoriais e ambientais do Concello de Arteixo.

a) Servizos sociais, igualdade e inclusión

- Manter e reforzar o apoio ás entidades do terceiro sector e aos programas municipais dirixidos a persoas, familias e colectivos en situación de vulnerabilidade, exclusión, dependencia, discapacidade, soidade non desexada ou outras situacións de desvantaxe social.
- Potenciar as liñas de axuda que contribúan á prevención e atención de situacións de pobreza e exclusión social, á promoción da autonomía persoal e da vida independente, e á mellora da cohesión social no conxunto do municipio.
- Incorporar, neste ámbito, criterios transversais de igualdade, accesibilidade, inclusión e atención prioritaria ás necesidades sociais emerxentes detectadas polos servizos municipais.

b) Educación, comunidade escolar e xuventude

- Reforzar o apoio ás comunidades educativas, ás ANPAS e aos centros docentes, tanto no relativo a bolsas e axudas como a programas de mellora das condicións materiais, tecnolóxicas e organizativas dos centros.
- Favorecer actuacións que contribúan á igualdade de oportunidades no acceso á educación, á conciliación da vida familiar e laboral e á mellora do benestar da infancia e da adolescencia.

- Impulsar, así mesmo, programas e iniciativas que fomenten a participación activa da mocidade na vida comunitaria, cultural e social do municipio.

c) Cultura, patrimonio e dinamización sociocultural

- Consolidar o apoio ás entidades culturais, ás manifestacións artísticas, ás festas populares e ás iniciativas de dinamización sociocultural que contribúan a fortalecer a identidade local e a participación cidadá na vida cultural do municipio.
- Promover actividades culturais inclusivas, interxeracionais e descentralizadas, que cheguen ao conxunto das parroquias e núcleos de poboación, prestando atención tanto á programación estable como á conservación e valorización das tradicións locais.
- Favorecer o acceso á cultura como factor de cohesión comunitaria, creatividade e vertebración territorial.

d) Deporte, actividade física e vida saudable

- Apoiar de maneira continuada o deporte de base, o deporte federado, as entidades deportivas locais e as iniciativas de actividade física saudable, garantindo unha distribución equilibrada dos recursos entre entidades e modalidades deportivas.
- Fomentar programas que contribúan á práctica deportiva por parte de mulleres, menores, persoas con discapacidade e outros colectivos infrarrepresentados, incorporando a perspectiva de igualdade e inclusión nas liñas de axuda deportivas.
- Impulsar actuacións que reforcen o valor social, educativo e saudable da práctica deportiva no municipio.

e) Participación cidadá, asociacionismo e convivencia comunitaria

- Consolidar e mellorar as liñas de apoio ao tecido asociativo veciñal e á participación cidadá, favorecendo a continuidade das actividades desenvolvidas polas asociacións e a súa contribución á convivencia, á cohesión social e á dinamización comunitaria.
- Potenciar actividades inclusivas, interxeracionais e de base comunitaria, así como unha maior implicación das entidades na vida pública local e nas iniciativas promovidas polo Concello.
- Mellorar, cando resulte necesario, o acompañamento técnico e a accesibilidade das convocatorias para facilitar un acceso máis equilibrado ás subvencións por parte das entidades con menor capacidade organizativa.

f) Promoción económica, emprego e comercio local

- Favorecer, no marco das competencias municipais, o mantemento e creación de emprego, o apoio ás persoas autónomas e ás pequenas empresas locais, así como a dinamización do tecido comercial e empresarial de Arteixo.
- Impulsar a mellora da accesibilidade e a eliminación de barreiras arquitectónicas en vivendas, edificios e locais do termo municipal, como instrumento de mellora da calidade de vida da veciñanza e de modernización do parque edificatorio e comercial.
- Apoiar actuacións que contribúan á competitividade do comercio local, á dinamización do consumo de proximidade e ao fortalecemento do tecido económico municipal.
- Incorporar as leccións aprendidas das medidas extraordinarias adoptadas no contexto da COVID-19, co fin de mellorar a capacidade de resposta da política subvencional fronte a posibles situacións futuras de crise económica ou social.

g) Medio ambiente, transición ecolóxica, mobilidade sostible e benestar animal

- Apoiar actuacións e proxectos que contribúan á mellora ambiental, á loita contra o cambio climático, á eficiencia enerxética, á mobilidade sostible e á protección do patrimonio natural do municipio.
- Promover iniciativas aliñadas coa Axenda Urbana e Rural de Arteixo que favorezan un modelo territorial máis sostible, equilibrado e respectuoso co medio.
- Impulsar campañas de sensibilización, educación ambiental e actuacións relacionadas co respecto e coidado dos animais e co benestar animal.

h) Seguridade, protección civil e emerxencias

- Definir con claridade o ámbito no que resulta procedente a utilización da fórmula subvencional para apoiar actuacións ligadas á protección civil, ao salvamento e ás emerxencias, distinguíndoas doutras formas de xestión máis adecuadas cando se trate de prestacións de servizo continuadas ou estruturais.
- Priorizar, no marco que resulte procedente, as actuacións orientadas á prevención de riscos, á autoprotección, á mellora da

capacidade de resposta fronte a emerxencias e á protección das persoas e bens.

i) Investimentos, rehabilitación e servizos de interese xeral

- Orientar as subvencións de capital recollidas no capítulo 7 cara a investimentos que teñan un efecto estruturante e duradeiro sobre a calidade de vida da poboación, tales como accesibilidade, rehabilitación edificatoria, eficiencia enerxética, saneamento, equipamentos educativos e culturais, mobilidade ou outros proxectos de interese público local.
- Favorecer a rehabilitación, conservación e mellora do parque edificatorio existente, especialmente naqueles ámbitos territoriais que presenten necesidades específicas de rehabilitación ou que estean declarados como Área de Rehabilitación Integral ou sometidos a outros instrumentos de rexeneración ou rehabilitación urbana.
- Promover a concentración territorial das actuacións subvencionadas cando esta permita incrementar o impacto e a capacidade transformadora dos recursos públicos, favorecendo a coordinación coas actuacións promovidas por outras administracións públicas.
- Asegurar que a utilización da fórmula subvencional para investimentos se axusta á natureza da actuación financiada e aos requisitos de control, seguimento e xustificación propios das transferencias de capital.
- Favorecer, sempre que sexa posible, a coherencia destes investimentos cos instrumentos estratéxicos municipais, coa planificación territorial e urbana do Concello e, cando proceda, cos programas autonómicos, estatais e europeos de rehabilitación e rexeneración urbana.

5.3. ALIÑAMENTO COS OBJECTIVOS DE DESENVOLVEMENTO SOSTIBLE E COA AXENDA URBANA

O presente Plan Estratéxico de Subvencións aliñarase cos Obxectivos de Desenvolvemento Sostible da Axenda 2030 e cos compromisos recollidos na Axenda Urbana e Rural de Arteixo, de acordo co previsto no punto 2.3. As distintas liñas de subvención deberán contribuír, na medida do posible, ao cumprimento daqueles ODS máis directamente relacionados coas políticas municipais, entre os que destacan, a título orientativo, os vinculados á loita

contra a pobreza (ODS 1), saúde e benestar (ODS 3), educación de calidade (ODS 4), igualdade de xénero (ODS 5), traballo decente e crecemento económico (ODS 8), redución das desigualdades (ODS 10), cidades e comunidades sostibles (ODS 11), produción e consumo responsables (ODS 12) e acción polo clima (ODS 13).

Para tal fin, na fase de deseño das bases reguladoras e convocatorias específicas valorarase a posibilidade de identificar, para cada liña de subvención, os ODS e os ámbitos da Axenda Urbana cos que se vincula de maneira preferente, co obxecto de facilitar o seguimento e a avaliación do grao de contribución da política subvencional a estes marcos estratéxicos. Así mesmo, promoverase que os proxectos e actuacións financiados incorporen criterios de sostibilidade ambiental, cohesión social, perspectiva de xénero, innovación e mellora da gobernanza local, en coherencia coas prioridades definidas pola Axenda Urbana e Rural de Arteixo e polos instrumentos de planificación municipal asociados á Axenda 2030.

6 LIÑAS DE SUBVENCIÓN DO CONCELLO DE ARTEIXO

As liñas de subvención recollidas neste capítulo estruturan, de maneira programática, a actividade de fomento do Concello de Arteixo para o período 2027-2029, de acordo co diagnóstico previo e cos obxectivos estratéxicos definidos nos capítulos anteriores. A súa concreción definitiva realizarase a través das bases reguladoras e convocatorias específicas que se adopten en cada ámbito de intervención, sen prexuízo das adaptacións que poidan resultar necesarias en función da evolución das necesidades públicas e das dispoñibilidades orzamentarias.

6.1. CRITERIOS XERAIS DE CONFIGURACIÓN DAS LIÑAS DE SUBVENCIÓN

A definición das liñas de subvención do Concello de Arteixo responderá aos seguintes criterios xerais:

- Coherencia cos obxectivos estratéxicos do Plan e cos instrumentos de planificación municipal, asegurando que cada liña de axuda se vincula de maneira clara cun ou varios dos obxectivos xerais e específicos recollidos no capítulo 5, así como cos marcos de referencia da Axenda Urbana e Rural de Arteixo e da Axenda 2030.
- Claridade na delimitación da finalidade e dos beneficiarios, de modo que as bases reguladoras precisen con suficiente detalle os fins públicos perseguidos, os colectivos destinatarios, os tipos de actuación subvencionables e os gastos que poden ser obxecto de financiamento.
- Adecuación do instrumento xurídico e orzamentario, escollendo entre subvencións de concorrência competitiva, subvencións nominativas, premios, convenios ou outras fórmulas de colaboración, en función da natureza da actuación, do tipo de beneficiario e do grao de apertura ou selección que se considere oportuno en cada caso.
- Respecto dos principios de legalidade, eficacia, eficiencia, transparencia, publicidade, concorrência, igualdade de oportunidades e estabilidade orzamentaria, tal como se recolle no capítulo 4, incorporando estes principios ás bases reguladoras e á práctica efectiva de xestión das subvencións.

- Definición de criterios obxectivos de valoración e de indicadores de seguimento, que permitan seleccionar as solicitudes en función da súa maior contribución aos fins perseguidos e avaliar, con posterioridade, o grao de execución, o alcance das actuacións financiadas e o seu impacto sobre a realidade social, económica, cultural ou ambiental do municipio.
- Coordinación interna e externa, garantindo que as liñas de subvención se conciben e xestionan en colaboración cos departamentos implicados e tendo en conta a existencia doutras axudas doutras administracións públicas, co fin de evitar solapamentos, duplicidades e ineficiencias.
- Flexibilidade ordenada, que permita introducir adaptacións puntuais nas liñas de subvención en resposta a circunstancias extraordinarias ou a necesidades emerxentes, sen desvirtuar o marco estratéxico do Plan nin os principios reitores que o informan.

6.2. LIÑAS DE SUBVENCIÓN EN SERVIZOS SOCIAIS, IGUALDADE E INCLUSIÓN

No ámbito de servizos sociais, igualdade e inclusión, as liñas de subvención do Concello de Arteixo para o periodo 2027-2029 estrutúranse arredor do obxectivo estratéxico de promover o benestar de todas as persoas, con especial atención ás que presentan necesidades especiais, garantindo a cobertura das necesidades vitais e esenciais, a inclusión social e a mellora da calidade de vida. As liñas e programas que se recollen a continuación teñen carácter continuista respecto das existentes no PES vixente, incorporando as adaptacións necesarias derivadas da experiencia acumulada.

Liña 6.2.1. Apoio a persoas en situación de dependencia e diversidade funcional

Programa 6.2.1.1. Axudas de apoio á mobilidade para persoas con diversidade funcional ou dependencia

- **Finalidade:** proporcionar un medio alternativo de transporte a persoas con diversidade funcional e/ou con dependencia acreditada, gravemente afectadas na súa mobilidade, para cubrir desprazamentos básicos ao exterior non cubertos por outros sistemas públicos ou privados subvencionados.

- **Beneficiarios:** persoas físicas empadroadas en Arteixo con diversidade funcional e/ou dependencia acreditada, de acordo cos requisitos que se establezan nas bases reguladoras.
- **Modalidade:** subvencións individuais en réxime de concorrência non competitiva, con bases reguladoras e convocatoria anual.
- **Dotación orientativa 2027-2029:** 50.000 €/ano.
- **Indicadores de seguimento:** número de solicitudes; número de persoas beneficiarias (desagregadas por sexo); número de denegacións; importe total concedido; importe medio por persoa; distribución territorial por parroquias.

Programa 6.2.1.2. Convenio con ASPACE (Asociación de Pais de Persoas con Parálise Cerebral da Coruña)

- **Finalidade:** colaborar no financiamento de servizos de apoio psicolóxico, alimentación texturizada, actividades lúdico-deportivas e outras terapias ou servizos semellantes dirixidos ás persoas usuarias do centro ASPACE empadroadas no Concello de Arteixo.
- **Modalidade:** subvención nominativa formalizada mediante convenio.
- **Dotación orientativa 2027-2029:** 10.000 €/ano.
- **Indicadores:** número de persoas beneficiarias (desagregadas por sexo); importe da subvención; importe medio por persoa.

Programa 6.2.1.3. Convenio con ADACECO (Asociación de Dano Cerebral Adquirido)

- **Finalidade:** colaborar no financiamento do servizo de atención neuropsicolóxica prestado por ADACECO a persoas con dano cerebral adquirido empadroadas en Arteixo.
- **Modalidade:** subvención nominativa formalizada mediante convenio.
- **Dotación orientativa 2027-2029:** 10.000 €/ano.
- **Indicadores:** número de persoas beneficiarias (desagregadas por sexo); importe da subvención; importe medio por persoa.

Programa 6.2.1.4. Convenio con APEM (Asociación Pro Enfermos Mentais)

- **Finalidade:** colaborar no financiamento do mantemento do Centro de Rehabilitación Psicosocial e Laboral (CRPL) de APEM en Arteixo, destinado a persoas con enfermidade mental grave pertencentes á entidade.
- **Modalidade:** subvención nominativa formalizada mediante convenio.
- **Dotación orientativa 2027-2029:** 12.000 €/ano.
- **Indicadores:** número de persoas atendidas no centro (desagregadas por sexo); distribución por parroquia; importe da subvención; importe medio por persoa.

Liña 6.2.2. Atención a situacións de emerxencia social

Programa 6.2.2.1. Axudas económicas de emerxencia social

- **Finalidade:** conceder axudas económicas municipais para facer fronte a situacións de emerxencia social que xeren gastos puntuais e urxentes relacionados con necesidades básicas (vivenda, alimentación, suministros, saúde, etc.), cando non poidan ser abordadas con recursos propios nin con outros instrumentos de protección social.
- **Beneficiarios:** persoas ou unidades familiares ou de convivencia empadroadas en Arteixo que se atopen en situación gravemente deteriorada, de urxente necesidade ou con graves problemas específicos que afecten á súa autonomía persoal, social ou económica.
- **Modalidade:** concorrencia non competitiva, con bases reguladoras e convocatoria anual.
- **Dotación orientativa 2027-2029:** 50.000 €/ano.
- **Indicadores:** número de solicitudes; número de persoas beneficiarias (por sexo); número de denegacións; importe total concedido e gasto executado; importe medio por persoa; tipoloxía das axudas concedidas; distribución por parroquia.

Programa 6.2.2.2. Convenio con Cáritas Parroquial de Arteixo

- **Finalidade:** colaborar no financiamento das axudas económicas de emerxencia social que concede Cáritas Parroquial de Arteixo a persoas en situación de exclusión que non poden facer fronte temporal ou

permanentemente a gastos básicos de alimentación, hixiene, vestimenta, limpeza do fogar, medicación ou suministros.

- **Modalidade:** subvención nominativa formalizada mediante convenio.
- **Dotación orientativa 2027-2029:** 10.000 €/ano.
- **Indicadores:** número de persoas beneficiarias (desagregadas por sexo); distribución por parroquia; importe da subvención; importe medio por persoa.

Liña 6.2.3. Apoio a persoas en risco de exclusión

Programa 6.2.3.1. Convenio con RETO

- **Finalidade:** colaborar no financiamento do mantemento do centro RETO situado na parroquia de Pastoriza, vinculado á atención e acompañamento de persoas en situación de risco ou en proceso de exclusión social.
- **Modalidade:** subvención nominativa formalizada mediante convenio, con imputación habitual a partida de investimento cando se trate de obras ou actuacións sobre instalacións.
- **Dotación orientativa 2027-2029:** 10.000 €/ano.
- **Indicadores:** número de persoas atendidas no centro; importe da subvención; importe medio por persoa.

Programa 6.2.3.2. Convenio con Agarimo

- **Finalidade:** colaborar no financiamento de actuacións desenvolvidas pola Asociación Agarimo vinculadas á atención e apoio a persoas en situación de risco ou exclusión social, incluíndo, cando proceda, obras de mellora ou adecuación nas instalacións da entidade.
- **Modalidade:** subvención nominativa formalizada mediante convenio, que poderá imputarse a gastos correntes ou de investimento en función da natureza das actuacións financiadas.
- **Dotación orientativa 2027-2029:** a determinar en función das previsións orzamentarias e dos proxectos concretos que se presenten en cada exercicio.

- **Indicadores:** número de actuacións financiadas; número estimado de persoas beneficiarias finais; importe da subvención; tipo de gasto financiado (corrente/investimento).

A inclusión destes programas no novo Plan Estratéxico de Subvencións 2027-2029 permite dar cobertura formal ás liñas de colaboración que o Concello de Arteixo vén mantendo tanto coa entidade RETO como coa Asociación Agarimo, asegurando a súa adecuación aos obxectivos de inclusión social e de apoio a colectivos en risco de exclusión.

6.3. LIÑAS DE SUBVENCIÓN EN CULTURA, PATRIMONIO E DINAMIZACIÓN SOCIOCULTURAL

No ámbito de cultura, patrimonio e dinamización sociocultural, as liñas de subvención do Concello de Arteixo para o período 2027-2029 orientaranse ao reforzo do tecido cultural local, á promoción da participación cidadá na vida cultural do municipio, á conservación e difusión das tradicións e valores culturais propios e ao apoio á creatividade contemporánea e ás expresións artísticas desenvolvidas no termo municipal. Estas liñas estrutúranse de maneira continuista respecto da experiencia acumulada nos exercicios anteriores, sen prexuízo da súa adaptación ás necesidades culturais detectadas en cada exercicio e ás dispoñibilidades orzamentarias existentes.

Aínda que estas actuacións se integran organicamente na mesma concellería que exerce competencias en materia de cultura e xuventude, no presente Plan diferénciase o ámbito cultural do ámbito xuvenil por responderen a finalidades públicas, colectivos destinatarios e instrumentos de intervención distintos. En consecuencia, as liñas especificamente orientadas á mocidade recolleranse, no seu caso, nos apartados 6.6, 6.7 e 6.8, relativos respectivamente a educación, xuventude e participación cidadá, asociacionismo e convivencia comunitaria, sen prexuízo das conexións que poidan existir entre ambos ámbitos de actuación.

Liña 6.3.1. Apoio nominativo a entidades culturais de referencia

Programa 6.3.1.1. Subvencións nominativas a entidades culturais de referencia

- **Finalidade:** fomentar, promover e difundir a cultura popular, a música e a danza no termo municipal de Arteixo a través do tecido asociativo local sen ánimo de lucro, incluíndo tanto a formación técnica

Arteixo

continuada como a realización de eventos, festivais, certames tradicionais e actuacións musicais en eventos populares, co fin de enriquecer a programación sociocultural, dinamizar a ocupación do tempo de lecer e salvagardar o patrimonio artístico e musical da veciñanza.

- **Entidades destinatarias:** entidades culturais de referencia e de longa traxectoria no municipio, entre as que se inclúen, con carácter orientativo e segundo previsión orzamentaria anual, a Asociación Xuvenil Xiradela, a Banda de Música de Arteixo, o Orfeón de Arteixo e a Asociación Tropicalia.
- **Modalidade:** subvencións nominativas instrumentalizadas mediante convenio ou acordo nominativo, segundo o previsto nos orzamentos municipais de cada exercicio.
- **Dotación orientativa 2027-2029:** 54.500 €/ano.
- **Indicadores:** número de entidades beneficiarias; número de actuacións e actividades realizadas; público asistente estimado.
- **Observacións:** manterase, con carácter xeral, a estrutura de entidades e contías do período anterior, sen prexuízo da súa revisión en función da evolución da programación cultural e das dispoñibilidades orzamentarias.

Liña 6.3.2. Apoio en concorrencia ao tecido cultural local

Programa 6.3.2.1. Subvencións en concorrencia a entidades locais sen ánimo de lucro

- **Finalidade:** apoiar o asociacionismo local no desenvolvemento de actividades e obradoiros orientados á defensa da identidade cultural, á convivencia e participación cidadá e á conservación, promoción e divulgación dos valores culturais, especialmente dos que derivan da pertenza á comunidade galega e ao concello de Arteixo.
- **Entidades destinatarias:** asociacións e entidades locais sen ánimo de lucro que desenvolvan proxectos, actividades ou programación sociocultural no municipio.
- **Modalidade:** subvencións en réxime de concorrencia competitiva, con bases reguladoras específicas e procedemento electrónico.
- **Dotación orientativa 2027-2029:** 32.000 €/ano.

- **Indicadores:** número de entidades solicitantes e beneficiarias; número de proxectos subvencionados; actividades realizadas; participantes estimados; porcentaxe de execución do crédito.
- **Observacións:** priorizaranse proxectos con perspectiva de xénero, inclusivos, interxeracionais e que contribúan á dinamización cultural das parroquias e á descentralización da oferta cultural.

Liña 6.3.3. Premios, certames e accións de promoción cultural

Programa 6.3.3.1. Premios e certames culturais municipais

- **Finalidade:** promover, dinamizar e premiar a creatividade artística, literaria e cultural nas súas diversas manifestacións escénicas, narrativas e tradicionais, impulsando a participación activa da cidadanía, o uso da lingua galega, a difusión e posta en valor do talento contemporáneo e do patrimonio local e a súa proxección exterior.
- **Actuacións** incluídas: con carácter orientativo, poderán integrarse nesta liña o Certame de narracións breves Manuel Murguía, o Certame de Teatro Amador, os premios e concursos vinculados ao Entroido, o Concurso de Maíos e outros premios ou certames culturais que se poidan incorporar durante o período de vixencia do Plan.
- **Modalidade:** premios e concursos, mediante aprobación anual das súas bases específicas e publicación no Boletín Oficial da Provincia e na sede electrónica municipal, en réxime de concorrencia.
- **Dotación orientativa 2027-2029:** 20.000 €/ano.
- **Indicadores:** número de edicións celebradas; participantes por modalidade; impacto de público nas actividades asociadas; difusión en medios e redes.
- **Observacións:** as modalidades e categorías poderán ser obxecto de actualización periódica para incorporar novas expresións culturais e adaptar os certames á evolución da programación municipal.

Liña 6.3.4. Apoio a investimentos e equipamento cultural

Programa 6.3.4.1. Apoio a investimentos e equipamento cultural

- **Finalidade:** facilitar a adquisición, mantemento e mellora de equipamento, material técnico e infraestruturas para as entidades locais, coa finalidade de consolidar o tecido asociativo e garantir a

sustentabilidade técnica, a calidade e a continuidade das súas accións de conservación, promoción e divulgación dos valores culturais e tradicionais de Galicia e do municipio de Arteixo.

- **Entidades destinatarias:** entidades culturais locais e, no seu caso, outras entidades beneficiarias que desenvolvan actividades culturais de interese municipal e precisen actuacións de investimento ou mellora de equipamento.
- **Modalidade:** subvencións de capital, en concorrencia competitiva ou nominativa segundo a natureza da actuación e as previsións orzamentarias de cada exercicio.
- **Dotación orientativa 2027-2029:** 10.000 €/ano.
- **Indicadores:** número de investimentos ou equipamentos financiados; tipo de melloras realizadas; avaliación cualitativa do impacto sobre a actividade cultural desenvolvida.
- **Observacións:** trátase dunha liña flexible, orientada a cubrir necesidades puntuais de investimento cultural, compatible co acceso a outras axudas supramunicipais cando proceda.

Liña 6.3.5. Liña de subvención en festas parroquiais e dinamización festiva

No ámbito de cultura, patrimonio e dinamización sociocultural, as subvencións para festas parroquiais configúranse como un instrumento específico de apoio á organización de festas patronais e non patronais, romarías e celebracións asimiladas dentro do calendario festivo tradicional das parroquias de Arteixo. Esta liña procura preservar e poñer en valor as tradicións locais, reforzar a identidade comunitaria e favorecer a participación veciñal na vida sociocultural do municipio, en coherencia co papel da festa como elemento central da dinamización comunitaria.

A política subvencional en materia de festas parroquiais articularase de xeito que se garanta o acceso equilibrado das diferentes parroquias e comarcas do termo municipal, se promovan actividades festivas inclusivas e interxeracionais e se favoreza, na medida do posible, a coordinación entre as entidades organizadoras e o propio Concello na definición da programación festiva anual.

**Programa 6.3.5.1. Subvencións para a organización de festas
parroquiais**

- **Finalidade:** apoiar a organización de festas catalogadas como patronais ou non patronais, romarías ou asimiladas dentro do calendario festivo tradicional das parroquias de Arteixo, contribuíndo a garantir a continuidade das celebracións, a participación da veciñanza e a posta en valor das manifestacións culturais e relixiosas asociadas á festa.
- **Modalidade:** subvencións en concorrencia competitiva dirixidas a comisións de festas, asociacións veciñais e entidades sen ánimo de lucro que asuman a organización das festas parroquiais, de acordo coas bases reguladoras que se aproben en cada exercicio.
- **Dotación orientativa 2027-2029:** 210.000 €/ano, de acordo coa contía anual prevista para subvencións de festas parroquiais na planificación económica achegada pola área de promoción económica e festas, mantida respecto do Plan estratéxico de subvencións 2023-2025.
- **Indicadores:** número de festas tradicionais realizadas co apoio da liña (por parroquia e tipo de festa); número estimado de persoas participantes; distribución territorial das subvencións; importe total concedido e executado; custo medio por festa; grao de continuidade das celebracións tradicionais ao longo do período 2027-2029.

**6.4. LIÑAS DE SUBVENCIÓN EN DEPORTE, ACTIVIDADE FÍSICA E VIDA
SAUDABLE**

No ámbito de deporte, actividade física e vida saudable, as liñas de subvención do Concello de Arteixo para o período 2027-2029 orientaranse á consolidación do tecido deportivo local, ao impulso do deporte base e federado, á promoción da práctica regular de actividade física entre a poboación e ao apoio a investimentos e equipamentos que melloren as condicións para a práctica deportiva. Estas liñas recollen a experiencia acumulada nos exercicios anteriores en subvencións a clubs, programas de actividade física e actuacións de investimento, adaptándoa ás necesidades detectadas e ao marco orzamentario previsto.

En coherencia cos obxectivos xerais do Plan, a política subvencional en materia deportiva procurará contribuír a fomentar hábitos de vida saudable, reforzar a cohesión social e a participación comunitaria a través do deporte, apoiar o talento deportivo local e garantir unha oferta de actividades accesible, segura e de calidade para o conxunto da veciñanza.

Liña 6.4.1. Apoio nominativo a entidades deportivas de referencia

Programa 6.4.1.1. Subvencións nominativas a clubs e entidades deportivas de referencia

- **Finalidade:** promoción e fomento do deporte federado, colaborando no financiamento do funcionamento ordinario e das actividades deportivas desenvolvidas por entidades deportivas de carácter histórico no municipio.
- **Entidades destinatarias:** Club Deportivo Larín (10.000 €/ano), SCR Suevos (10.000 €/ano), SRI Esperanza de Meicende (15.000 €/ano).
- **Modalidade:** subvencións nominativas.
- **Dotación orientativa 2027-2029:** 35.000 €/ano (suma das tres entidades).
- **Indicadores:** número de licenzas ou persoas deportistas vinculadas ás entidades subvencionadas, por sexo e categoría; número de actividades ou competicións organizadas; importe total concedido e execución.
- **Observacións:** estas entidades presentan dificultades específicas para a captación de categorías base debido á configuración xeográfica do territorio e ao seu afastamento dos núcleos de poboación principais. Conforme estas entidades dispoñan de categorías base que cumpran os requisitos das bases reguladoras da liña de concorrencia competitiva (6.4.2) e acaden capacidade e sustentabilidade suficientes, valorarase ir reducindo progresivamente esta fórmula nominativa a favor da súa plena incorporación ao réxime de concorrencia competitiva, en liña co criterio xeral de utilizar as subvencións nominativas para casos excepcionais debidamente xustificandos.

Programa 6.4.1.2. Subvención nominativa a proxectos deportivos de ampla proxección internacional

- **Finalidade:** promoción da modalidade deportiva específica a través da realización de un proxecto deportivo de interese público en eventos deportivos de ámbito internacional.
- **Modalidade:** subvención nominativa.
- **Dotación orientativa 2027-2029:** 50.000 €/ano.

- **Indicadores:**

- Indicadores de participación deportiva: Número de deportistas participantes, Número de países representados , Número países visitados, Número de competicións internacionais disputadas
- Indicadores de asistencia y público: Número de espectadores presenciais, Número de visitantes procedentes de fuera de Arteixo, Número de pernoctacións generadas.
- Indicadores de promoción y visibilidade institucional: Número de impactos en medios de comunicación, Número de noticias publicadas, Número de retransmisiones televisivas o streaming, Horas de emisión.
- Indicadores económicos y turísticos. Gasto estimado generado por participantes y acompañantes, Número de plazas hoteleras ocupadas, Retorno económico estimado, Ratio de retorno económico por euro subvencionado.

- **Observacións:** O obxectivo esencial é apoiar e promover unha actividade deportiva de especial interese público municipal, considerando o seu impacto deportivo, a súa capacidade de promoción do deporte, o seu impacto social e educativo, a súa contribución á proxección internacional do municipio e o interese estratéxico do municipio en apoiar a actividade. A achega municipal ten como obxectivo principal apoiar o deporte de alto nivel, promover a participación deportiva entre a cidadanía, desenvolver modelos deportivos locais, potenciar a imaxe exterior do municipio asociada aos valores do deporte e proporcionar apoio institucional a un proxecto deportivo singular.

Liña 6.4.2. Concorrenza para actividades deportivas de entidades e clubs

Programa 6.4.2.1. Subvencións para actividades deportivas mediante concorrencia competitiva

- **Finalidade:** promoción e fomento do deporte, apoiando ás entidades locais sen ánimo de lucro na creación ou mantemento de actividades, fomento do deporte base, deporte para todos, organización de eventos deportivos e dotación de equipamentos vinculados á programación deportiva municipal.
- **Destinatarios:** entidades deportivas sen ánimo de lucro legalmente constituídas e inscritas no Rexistro Municipal de Asociacións no momento da solicitude.

- **Modalidade:** concorrencia competitiva.
- **Dotación orientativa 2027-2029:** 262.000 €/ano
- **Indicadores:** número de entidades solicitantes e beneficiarias; número de actividades subvencionadas; número de participantes desagregados por sexo e idade; parroquias ou núcleos nos que se desenvolven as actividades; importe total concedido e executado.

Liña 6.4.3. Apoio a deportistas e talento deportivo local

Programa 6.4.3.1. Bolsas para deportistas en réxime de concorrencia competitiva

- **Finalidade:** promoción e fomento do deporte, apoiando a proxección de deportistas locais con proxección de alta competición.
- **Destinatarios:** deportistas arteixáns de entre 12 e 30 anos, de modalidades deportivas de carácter individual, que acrediten calidade inicial e especial dedicación á actividade deportiva, cunha proxección futura cara ao deporte de alta competición.
- **Modalidade:** concorrencia competitiva.
- **Dotación orientativa 2027-2029:** 25.000 €/ano.
- **Indicadores:** número de solicitudes e número de deportistas beneficiarios; modalidades deportivas representadas; nivel competitivo acadado; importe total concedido e importe medio por deportista.

Liña 6.4.4. Apoio a investimentos e equipamento deportivo

Programa 6.4.4.1. Apoio a investimentos e melloras en instalacións e equipamento deportivo municipal

- **Finalidade:** apoiar, mediante subvencións de capital ou a través de programas de investimento propios, actuacións de mellora, ampliación, adaptación e equipamento de instalacións deportivas municipais, co fin de garantir condicións axeitadas de seguridade, accesibilidade, eficiencia enerxética e calidade na prestación dos servizos deportivos á veciñanza.
- **Modalidade:** investimentos recollidos maioritariamente no capítulo 7 do orzamento municipal, que poderán complementarse con

subvencións nominativas ou convenios de colaboración cando se trate de equipamentos xestionados por entidades sen ánimo de lucro que presten servizos de interese xeral.

- **Dotación orientativa 2027-2029:** a determinar nos instrumentos de planificación económico-financeira e nos orzamentos anuais, en función das prioridades de investimento en instalacións deportivas e das posibilidades de cofinanciamento con outras administracións.
- **Indicadores:** número de actuacións de investimento realizadas; tipo de melloras acometidas (accesibilidade, eficiencia, ampliación de usos, renovación de equipamentos); número estimado de persoas usuarias afectadas; importe total investido; porcentaxe de cofinanciamento con outras administracións, se procede
- **Observacións:** de concederse este tipo de subvencións, correspondería ao Servizo Municipal de Deportes a súa tramitación e xestión.

6.5. LIÑAS DE SUBVENCIÓN EN PROMOCIÓN ECONÓMICA, EMPREGO E COMERCIO LOCAL

No ámbito de promoción económica, emprego e comercio local, as liñas de subvención do Concello de Arteixo para o período 2027-2029 orientaranse a reforzar o tecido empresarial do municipio, apoiar a creación e consolidación de empresas, favorecer a contratación por conta allea e impulsar actuacións que melloren a accesibilidade e a competitividade do parque edificatorio e comercial. Estas liñas toman como referencia o deseño existente no Plan estratéxico de subvencións 2023-2025, prorrogado en 2026, adaptando os programas e contías ás previsións orzamentarias e ás necesidades detectadas polo servizo de promoción económica.

En coherencia cos obxectivos xerais do Plan, a política subvencional neste ámbito procurará contribuír á dinamización da economía local, á creación e mantemento de emprego de calidade, á atracción e consolidación de iniciativa emprendedora e á mellora da accesibilidade universal nos edificios e establecementos, favorecendo un desenvolvemento económico sostible e inclusivo.

Liña 6.5.1. Axudas para a rehabilitación, rexeneración e mellora da accesibilidade no tecido edificado

No marco das políticas municipais de rehabilitación urbana, accesibilidade e mellora das condicións do parque edificatorio, o Concello de Arteixo poderá

establecer axudas destinadas a favorecer a rehabilitación, rexeneración e mellora da accesibilidade dos edificios e vivendas existentes, con especial atención aos ámbitos declarados como Área de Rehabilitación Integral (ARI) e a aqueles outros ámbitos territoriais que, no seu caso, sexan obxecto de instrumentos específicos de rehabilitación ou rexeneración urbana. Esta liña ten carácter complementario respecto das actuacións promovidas ou financiadas por outras administracións públicas, contribuíndo, dentro do ámbito das competencias municipais, á mellora das condicións de habitabilidade, conservación, accesibilidade, eficiencia enerxética e calidade urbana do parque edificatorio existente.

Programa 6.5.1.1. Subvencións para a rehabilitación, rexeneración e mellora da accesibilidade no tecido edificado

- **Finalidade:** apoiar economicamente actuacións de rehabilitación, conservación, mellora da accesibilidade, eficiencia enerxética e adecuación das condicións de habitabilidade de edificios e vivendas existentes no termo municipal, incluíndo obras de accesibilidade universal e supresión de barreiras arquitectónicas, instalación ou adaptación de ascensores, conservación de fachadas, cubertas e elementos comúns, mellora da envolvente térmica e da eficiencia enerxética, e outras actuacións complementarias de rexeneración edificatoria que se determinen nas correspondentes bases reguladoras.
- **Beneficiarios:** persoas físicas propietarias ou usufrutuarias de vivendas ou edificios, comunidades de propietarios e agrupacións de comunidades de propietarios legalmente constituídas, así como outras persoas ou entidades que determinen as bases reguladoras.
- **Modalidade:** subvencións en réxime de concorrencia competitiva, mediante convocatoria anual e bases reguladoras específicas, sen prexuízo de que, cando a natureza das actuacións ou a normativa aplicable o xustifique, poidan establecerse outros instrumentos de concesión legalmente admisibles.
- **Dotación orientativa 2027-2029:** 250.000 €/ano, tomando como referencia a dotación actualmente prevista para as axudas municipais de accesibilidade. A dotación poderá ser incrementada nos correspondentes exercicios cando se dispoña de financiamento ou cofinanciamento doutras administracións públicas, ou cando a evolución das necesidades e da demanda o xustifique, sempre dentro das disponibilidades orzamentarias municipais.

- **Indicadores de seguimento:** número de solicitudes presentadas, concedidas e denegadas; número de edificios e vivendas obxecto de actuación; número de persoas beneficiarias directas; número e porcentaxe de actuacións desenvolvidas dentro de ámbitos ARI; distribución territorial das actuacións por parroquia; tipoloxía das actuacións subvencionadas (accesibilidade, eficiencia enerxética, conservación); número de instalacións ou adaptacións de ascensores e outros elementos de accesibilidade; importe total concedido e efectivamente executado; investimento total mobilizado polas actuacións subvencionadas; importe medio da axuda por actuación; porcentaxe de cofinanciamento procedente doutras administracións, cando proceda.
- **Observacións:** consideración territorial prioritaria para os inmobles con necesidades en materia de accesibilidade, así como para aqueles situados en ámbitos declarados como Área de Rehabilitación Integral —incluídas a ARI de Meicende-O Petón e a ARI do núcleo de Oseiro— e para aqueloutros ámbitos que poidan ser declarados ou delimitados no futuro. As bases reguladoras poderán establecer diferentes intensidades de axuda ou criterios de priorización territorial en función das necesidades de cada ámbito e da dispoñibilidade orzamentaria. A liña ten carácter complementario respecto das axudas do Instituto Galego da Vivenda e Solo, da Administración Xeral do Estado, da Unión Europea ou doutras administracións para as mesmas actuacións, debendo as bases reguladoras establecer os límites de acumulación necesarios para evitar a dobre financiación. A liña aliñase cos ODS 10, 11 e 13 e coa Axenda Urbana e Rural de Arteixo.

Liña 6.5.2. Fomento do emprego, emprendemento e creación de empresas

Programa 6.5.2.1. Subvención para o fomento do emprego: creación de empresas e contratación por conta allea

- **Finalidade:** incentivar a actividade económica e a xeración de emprego no municipio mediante axudas á creación de empresas e ao financiamento de contratacións por conta allea, favorecendo o emprendemento, a consolidación de proxectos empresariais e o aumento de postos de traballo en Arteixo.
- **Modalidade:** subvencións en concorrencia competitiva, estruturadas en dúas liñas principais (liña 1: creación de empresas; liña 2:

contratación por conta allea), con bases reguladoras específicas que definan requisitos das persoas e entidades beneficiarias, tipos de gastos subvencionables e duración mínima das contratacións.

- **Dotación orientativa 2027-2029:** 120.000 €/ano, de acordo coa contía recollida na programación de promoción económica para o período, susceptible de axuste en función da execución e da demanda que se constate en cada exercicio.
- **Indicadores:** número de empresas creadas anualmente ao abeiro da liña; número de contratacións por conta allea realizadas; duración media das contratacións; sectores de actividade das empresas beneficiarias; importe total concedido e executado; custo medio por empresa creada e por posto de traballo apoiado.

Programa 6.5.2.2. Incentivos á contratación temporal vinculados ao Obradoiro de Emprego

- **Finalidade:** facilitar a empregabilidade e ocupabilidade das persoas participantes no Obradoiro de Emprego mediante incentivos á contratación temporal por conta allea, favorecendo a transición ao mercado laboral ordinario tras a finalización da acción formativa.
- **Modalidade:** axudas tramitadas mediante procedemento previsto no artigo 19.2 da Lei de subvencións de Galicia (orde de entrada ata esgotamento de crédito), vinculadas á concesión da subvención do Obradoiro de Emprego pola Xunta de Galicia, e dirixidas a empresas que contraten persoas participantes no programa.
- **Dotación orientativa 2027-2029:** determinada en función da subvención concedida pola Xunta de Galicia, supeditando a existencia e contía da liña á aprobación e financiamento do correspondente Obradoiro de Emprego en cada exercicio.
- **Indicadores:** número de contratacións realizadas ao abeiro da liña; duración media das contratacións; número de persoas participantes no Obradoiro de Emprego que acceden a estes contratos; importe total concedido; custo medio por contratación.

Liña 6.5.3. Dinamización do comercio local e asociacionismo empresarial

Programa 6.5.3.1. Subvencións a asociacións de empresarios e comerciantes

- **Finalidade:** impulsar accións de dinamización, programas de formación e actividades de promoción da economía local promovidas por asociacións de empresarios e comerciantes, reforzando o tecido asociativo empresarial e a atractividade comercial do municipio.
- **Modalidade:** subvencións en concorrência competitiva dirixidas a asociacións de empresarios e comerciantes legalmente constituídas, para financiar programas e actuacións de dinamización comercial, campañas de promoción, formación específica e outras actividades de impulso da economía local.
- **Dotación orientativa 2027-2029:** 70.000 €/ano, conforme á previsión recollida na planificación económica da área de promoción económica, revisable en función da execución e das necesidades detectadas en cada exercicio.
- **Indicadores:** número de asociacións beneficiarias; número de actividades de dinamización, formación e promoción realizadas; participación estimada (persoas e establecementos); impacto sobre o comercio local segundo avaliación cualitativa; importe total concedido e executado; custo medio por actividade.

6.6. LIÑAS DE SUBVENCIÓN EN EDUCACIÓN

No ámbito de educación, as liñas de subvención do Concello de Arteixo para o período 2027-2029 orientaranse a apoiar as familias no acceso efectivo aos servizos complementarios de escolarización, favorecer a igualdade de oportunidades no ámbito educativo, reforzar a innovación e a calidade do sistema educativo local e colaborar coas entidades da comunidade educativa no desenvolvemento de actividades e na mellora dos equipamentos. Estas liñas teñen carácter continuista respecto das existentes nos exercicios anteriores e estrutúranse a partir da información remitida pola área de educación para o novo período de vixencia do Plan.

En coherencia cos obxectivos xerais do Plan, a política subvencional en materia educativa procurará reducir desigualdades de acceso aos recursos escolares, apoiar a conciliación das familias, mellorar as condicións materiais e tecnolóxicas dos centros e reforzar o papel das ANPAS, dos consellos escolares e doutras entidades da comunidade educativa como axentes de interese público no ámbito local.

Liña 6.6.1. Axudas ao estudo para familias con descendentes escolarizados

Programa 6.6.1.1. Axudas de comedor escolar

- **Finalidade:** apoiar economicamente as familias empadroadas no Concello de Arteixo con descendentes escolarizados en centros sostidos con fondos públicos que sexan persoas usuarias do servizo de comedor escolar non xestionado pola Administración autonómica, co fin de favorecer o acceso a este servizo complementario e contribuír á conciliación e á igualdade de oportunidades.
- **Modalidade:** subvencións en réxime de concorrència competitiva, con convocatoria anual e bases reguladoras específicas.
- **Dotación orientativa 2027-2029:** 200.000 €/ano.
- **Indicadores:** número de familias beneficiarias da liña.

Programa 6.6.1.2. Axudas para libros e material didáctico

- **Finalidade:** conceder axudas económicas para a adquisición de libros e material didáctico ao alumnado do segundo ciclo de educación infantil dos centros educativos sostidos con fondos públicos, empadroado e residente durante o curso escolar no Concello de Arteixo, co fin de apoiar as familias con menores recursos e facilitar o acceso aos materiais escolares.
- **Modalidade:** subvencións en réxime de concorrència competitiva, con convocatoria anual e bases reguladoras específicas.
- **Dotación orientativa 2027-2029:** 15.000 €/ano.
- **Indicadores:** número de familias beneficiarias da liña.

Programa 6.6.1.3. Axudas de mobilidade para estudantes

- **Finalidade:** mellorar a mobilidade do estudantado empadroado no Concello de Arteixo que curse estudos de bacharelato, formación profesional, ensinanzas artísticas, ensinanzas musicais e estudos universitarios en centros públicos do territorio galego, co fin de facilitar o desprazamento e reducir o impacto económico asociado ao acceso á formación postobrigatoria.
- **Modalidade:** subvencións en réxime de concorrència competitiva, con convocatoria anual e bases reguladoras específicas.
- **Dotación orientativa 2027-2029:** 13.000 €/ano.

- **Indicadores:** número de familias beneficiarias da liña.

Liña 6.6.2. Innovación educativa e mantemento tecnolóxico dos centros

Programa 6.6.2.1. Subvencións para a implementación e desenvolvemento de proxectos de innovación educativa – Arteixo Innovación

- **Finalidade:** apoiar os centros de ensino públicos do termo municipal de Arteixo no financiamento de gastos vinculados á implementación e desenvolvemento de proxectos de innovación educativa, incluíndo actuacións de asesoramento, formación e adquisición de ferramentas, metodoloxías e recursos educativos tecnolóxicos e non tecnolóxicos necesarios para a consecución dos obxectivos definidos nos proxectos.
- **Modalidade:** subvencións en réxime de concorrencia competitiva.
- **Dotación orientativa 2027-2029:** 105.000 €/ano.
- **Indicadores:** número de entidades beneficiarias; actividades realizadas; equipamento adquirido; número de alumnado beneficiario; número de profesorado beneficiario.

Programa 6.6.2.2. Subvencións de mantemento de equipamento tecnolóxico educativo

- **Finalidade:** financiar actuacións de mantemento, conservación, reparación e actualización técnica básica do equipamento tecnolóxico dos centros educativos públicos do termo municipal, especialmente o vinculado ás convocatorias de innovación educativa, garantindo a súa funcionalidade e continuidade no tempo.
- **Modalidade:** subvencións en réxime de concorrencia competitiva.
- **Dotación orientativa 2027-2029:** 81.000 €/ano.
- **Indicadores:** número de entidades beneficiarias; número de alumnado beneficiario; número de profesorado beneficiario.

Liña 6.6.3. Apoio á comunidade educativa e aos seus equipamentos

Programa 6.6.3.1. Subvencións a entidades da comunidade educativa para actividades e equipamento

- **Finalidade:** apoiar as entidades locais da comunidade educativa do termo municipal, singularmente ANPAS e consellos escolares, na creación ou mantemento de actividades educativas e na dotación de equipamentos vinculados ás programacións que desenvolven en materia de educación.
- **Modalidade:** subvencións en réxime de concorrencia competitiva.
- **Dotación orientativa 2027-2029:** 10.000 €/ano, distribuídos orientativamente en 5.000 € para actividades educativas e 5.000 € para equipamento educativo.
- **Indicadores:** número de entidades beneficiarias para actividades; número de entidades beneficiarias para equipamento; actividades realizadas; equipamento adquirido.

Programa 6.6.3.2. Subvención nominativa á Asociación Agarimo para o apoio e fomento da actividade socioeducativa e mantemento e acondicionamento de instalacións

- **Finalidade:** regular a colaboración entre o Concello de Arteixo e a Asociación Agarimo para a execución de programas de intervención socioeducativa con menores en risco de exclusión social, así como para o mantemento e acondicionamento das instalacións do centro para a súa utilización polo Concello, por outras administracións públicas ou por entidades sen ánimo de lucro, previo acordo co Concello.
- **Modalidade:** subvención nominativa.
- **Dotación orientativa 2027-2029:** 45.000 €/ano, dos cales 30.000 € se destinan aos programas de intervención socioeducativa e 15.000 € ás necesidades de mantemento e acondicionamento das instalacións.
- **Indicadores:** número de alumnado beneficiario; actuacións de acondicionamento realizadas.

Programa 6.6.3.3. Subvencións ás ANPAS para a xestión do comedor escolar

- **Finalidade:** instrumentar a colaboración entre o Concello de Arteixo e as ANPAS dos centros de ensino para a xestión do comedor escolar e doutros servizos de conciliación nos centros educativos do municipio.
- **Modalidade:** subvencións nominativas.
- **Dotación orientativa 2027-2029:** 35.650 €/ano.
- **Entidades destinatarias:** ANPA Ponte dos Brozos do CEIP Ponte dos Brozos, 10.200 €; ANPA Novo Arteixo do CEIP Arteixo, 10.200 €; ANPA Gaivota do CEIP San Xosé Obreiro de Meicende, 8.250 €; ANPA Barrionovo da EEI Barrionovo, 3.500 €; ANPA O Loureiro da EEI Vilarrodís, 3.500 €.
- **Indicadores:** número de entidades beneficiarias; número de alumnado beneficiario.

6.7. LIÑAS DE SUBVENCIÓN EN XUVENTUDE

No ámbito de xuventude, as liñas de subvención do Concello de Arteixo para o período 2027-2029 orientaranse a fomentar a participación activa da mocidade na vida comunitaria, a promover un ocio saudable e creativo e a apoiar iniciativas xuvenís de carácter asociativo, cultural e sociocomunitario. Estas liñas complementan as actuacións previstas en educación e cultura, ofrecendo un marco específico para a acción subvencional dirixida á poboación xuvenil e ao tecido asociativo xuvenil do municipio.

En coherencia cos obxectivos xerais do Plan, a política subvencional en materia de xuventude procurará favorecer a implicación da mocidade na vida pública local, reforzar espazos de encontro e participación xuvenil, apoiar propostas de ocio educativo e creativo e contribuír á prevención de situacións de illamento social mediante a dinamización de actividades grupais e comunitarias.

Liña 6.7.1. Apoio a entidades xuvenís e iniciativas de participación

Programa 6.7.1.1. Subvencións en concorrencia a entidades xuvenís e proxectos de ocio e participación

- **Finalidade:** apoiar asociacións xuvenís, entidades sen ánimo de lucro e proxectos de participación promovidos por persoas novas que desenvolvan actividades e programas de ocio saudable, participación

social, voluntariado xuvenil, creación cultural e dinamización comunitaria dirixidos á poboación xuvenil de Arteixo.

- **Modalidade:** subvencións de concorrencia competitiva reguladas mediante bases específicas, dirixidas a entidades xuvenís e organizacións que promovan actividades para persoas novas, con procedemento de solicitude en prazo e valoración segundo criterios de interese xuvenil, calidade técnica, carácter inclusivo e impacto comunitario.
- **Dotación orientativa 2027-2029:** a determinar en función das previsións orzamentarias da área de xuventude e da evolución das liñas existentes nos exercicios anteriores, procurando consolidar un volume estable de recursos destinados a proxectos xuvenís de ocio e participación.
- **Indicadores:** número de entidades solicitantes e beneficiarias; número de proxectos subvencionados; actividades realizadas e participantes estimados; distribución por parroquias ou barrios; porcentaxe de execución do crédito; avaliación cualitativa do impacto sobre a participación xuvenil.

Liña 6.7.2. Programas municipais de ocio xuvenil e lecer educativo

Programa 6.7.2.1. Apoio a programas de ocio xuvenil organizados polo Concello e entidades colaboradoras

- **Finalidade:** promover un ocio xuvenil saudable e participativo mediante programas de actividades organizados polo propio Concello de Arteixo ou en colaboración con entidades sen ánimo de lucro, tales como obradoiros, actividades de fin de semana, programación de lecer educativo en períodos vacacionais e encontros xuvenís, ofrecendo alternativas de calidade para a utilización do tempo libre da mocidade.
- **Modalidade:** programas propios municipais que, de ser o caso, poderán complementarse con subvencións a entidades colaboradoras para o desenvolvemento de actividades concretas, reguladas mediante convenios ou convocatorias específicas en concorrencia competitiva.
- **Dotación orientativa 2027-2029:** a determinar en cada exercicio nos orzamentos da área de xuventude, garantindo unha oferta mínima de programas anuais de ocio xuvenil e lecer educativo distribuídos ao longo do ano e adaptados ás diferentes franxas de idade xuvenil.
- **Indicadores:** número de programas anuais de ocio xuvenil; número de actividades e sesións realizadas; número de participantes (por tramo

de idade e sexo); grao de ocupación das prazas ofertadas; valoración das actividades por parte das persoas participantes; distribución territorial das actuacións.

Liña 6.7.3. Promoción da creatividade xuvenil e iniciativas culturais da mocidade

Programa 6.7.3.1. Apoio a iniciativas de creatividade e expresión cultural xuvenil

- **Finalidade:** fomentar a creatividade e a expresión cultural da mocidade mediante o apoio a iniciativas xuvenís en ámbitos como a música, as artes escénicas, os audiovisuais, as artes plásticas, as letras e novas formas de creación vinculadas á cultura xuvenil contemporánea, favorecendo o protagonismo das persoas novas na programación cultural e social do municipio.
- **Modalidade:** subvencións de concorrencia competitiva ou programas específicos de premios, certames e mostras xuvenís, que poderán integrarse, de ser o caso, na liña xeral de premios e certames culturais municipais, reservando categorías ou modalidades destinadas á participación xuvenil.
- **Dotación orientativa 2027-2029:** a determinar en función da programación cultural e xuvenil prevista en cada exercicio, podendo agrupar parte dos recursos destinados a premios e certames culturais en modalidades específicas para a mocidade e incorporar novas liñas en función da demanda detectada.
- **Indicadores:** número de iniciativas xuvenís apoiadas; número de certames, mostras ou premios con participación xuvenil específica; número de persoas participantes; disciplinas representadas; impacto en termos de visibilidade da creatividade xuvenil; importe total destinado e custo medio por iniciativa apoiada.

6.8. LIÑAS DE SUBVENCIÓN EN PARTICIPACIÓN CIDADÁ, ASOCIACIONISMO E CONVIVENCIA COMUNITARIA

No ámbito de participación cidadá, asociacionismo e convivencia comunitaria, as liñas de subvención do Concello de Arteixo para o período 2027-2029 orientaranse a fortalecer o tecido asociativo veciñal, fomentar a participación da cidadanía na vida pública local e apoiar actividades e

programas de interese xeral que contribúan á convivencia, á dinamización comunitaria e á mellora da calidade de vida da veciñanza.

En coherencia cos obxectivos xerais do Plan, a política subvencional neste ámbito procurará reforzar a colaboración coas asociacións veciñais como estruturas de participación de proximidade, promover actividades inclusivas e interxeracionais e favorecer unha maior implicación da cidadanía nas iniciativas comunitarias impulsadas desde o propio tecido asociativo e desde o Concello.

Liña 6.8.1. Apoio ao asociacionismo veciñal e á convivencia comunitaria

Programa 6.8.1.1. Subvencións para asociacións veciñais destinadas ao fomento da convivencia

- **Finalidade:** colaborar co tecido asociativo municipal para o fomento da participación da cidadanía, o desenvolvemento de actividades de ocio e a execución de programas de participación e dinamización de interese xeral que contribúan de maneira directa á mellora da calidade de vida e ao benestar da veciñanza de Arteixo.
- **Entidades destinatarias:** asociacións veciñais legalmente constituídas e inscritas no Rexistro Municipal de Asociacións.
- **Modalidade:** subvencións en concorrencia competitiva, reguladas mediante convocatoria anual e bases específicas que determinen os criterios de valoración, os gastos subvencionables e as obrigas de xustificación das entidades beneficiarias.
- **Dotación orientativa 2027-2029:** 75.000 €/ano, sen prexuízo das adaptacións que poidan derivarse das necesidades detectadas ou da dispoñibilidade orzamentaria en cada exercicio.
- **Indicadores:** número de asociacións veciñais beneficiarias da convocatoria anual; número total de actividades subvencionadas realizadas; número estimado de persoas participantes nas actividades financiadas; porcentaxe de execución do crédito consignado na convocatoria anual.
- **Observacións:** a xustificación desta liña vese reforzada pola existencia dun tecido asociativo consolidado e activo no municipio, por unha alta participación veciñal nas actividades subvencionadas e polo aumento do número de asociacións que solicitan as subvencións municipais.

6.9. LIÑAS DE SUBVENCIÓN EN MEDIO AMBIENTE, TRANSICIÓN ECOLÓXICA, MOBILIDADE SOSTIBLE E BENESTAR ANIMAL

No ámbito de medio ambiente, transición ecolóxica, mobilidade sostible e benestar animal, as liñas de subvención do Concello de Arteixo para o período 2027-2029 orientaranse a apoiar actuacións que contribúan á sustentabilidade ambiental, á protección da biodiversidade, á mellora da mobilidade compatible cos obxectivos climáticos municipais e á promoción do benestar animal. O seu desenvolvemento efectivo dependerá da consolidación das prioridades sectoriais, da existencia de bases reguladoras específicas e das dispoñibilidades orzamentarias de cada exercicio.

En coherencia cos obxectivos xerais do Plan, a política subvencional neste ámbito procurará favorecer a corresponsabilidade cidadá na protección do medio, a colaboración co tecido asociativo e a canalización ordenada de actuacións de interese público que poidan complementarse con programas propios municipais e con convocatorias doutras administracións públicas.

Liña 6.9.1. Apoio a iniciativas ambientais, de mobilidade sostible e benestar animal

Programa 6.9.1.1. Subvencións para actividades e proxectos de interese ambiental e comunitario

- **Finalidade:** apoiar actuacións promovidas por entidades sen ánimo de lucro, asociacións ou colectivos que desenvolvan proxectos de sensibilización ambiental, conservación do medio, mobilidade sostible, protección animal, educación ecolóxica ou mellora do entorno comunitario no termo municipal de Arteixo.
- **Modalidade:** subvencións en concorrencia competitiva ou, de ser o caso, convenios de colaboración cando a natureza singular da actuación o xustifique, de acordo coas previsións orzamentarias e co desenvolvemento regulamentario que se aprobe.
- **Dotación orientativa 2027-2029:** a determinar en función das previsións orzamentarias e da definición progresiva das liñas de actuación da área competente.
- **Indicadores:** número de proxectos apoiados; número de entidades beneficiarias; tipoloxía das actuacións desenvolvidas; persoas participantes nas actividades; impacto cualitativo sobre a sensibilización ambiental, a protección animal ou a mobilidade sostible.

6.10. LIÑAS DE SUBVENCIÓN EN SEGURIDADE, PROTECCIÓN CIVIL E EMERXENCIAS

No ámbito de seguridade, protección civil e emerxencias, as liñas de subvención do Concello de Arteixo para o período 2027-2029 orientaranse a reforzar a capacidade operativa das entidades colaboradoras, mellorar os medios materiais e técnicos vinculados á prevención e resposta ante emerxencias e apoiar actuacións de interese público en materia de seguridade cidadá e protección civil.

En coherencia cos obxectivos xerais do Plan, a política subvencional neste ámbito procurará consolidar a colaboración coas entidades que desenvolven funcións complementarias de interese municipal, especialmente cando estas actuacións contribúan á prevención de riscos, á atención en situacións de emerxencia e á protección das persoas e dos bens.

Liña 6.10.1. Apoio a entidades e actuacións de protección civil e emerxencias

Programa 6.10.1.1. Subvencións e colaboracións en materia de protección civil e emerxencias

- **Finalidade:** colaborar no financiamento de actuacións, medios materiais, equipamento e actividades formativas desenvolvidas por entidades vinculadas á protección civil, ás emerxencias e á seguridade preventiva, cando estas actuacións redunden nunha mellora da capacidade de resposta e da cobertura das necesidades do municipio de Arteixo.
- **Modalidade:** subvencións nominativas, convenios de colaboración ou subvencións en concorrencia competitiva, en función da natureza da entidade beneficiaria, da singularidade da actuación e das previsións recollidas nos orzamentos municipais de cada exercicio.
- **Dotación orientativa 2027-2029:** a determinar en función das previsións orzamentarias e das necesidades operativas detectadas pola área municipal competente.
- **Indicadores:** número de actuacións financiadas; número de entidades beneficiarias; tipo de equipamento ou medios apoiados; actividades formativas realizadas; avaliación cualitativa da mellora da capacidade operativa ou preventiva.

6.11. OUTRAS LIÑAS DE SUBVENCIÓN DE CARÁCTER SINGULAR OU TRANSVERSAL

Ademais das liñas anteriores, o Concello de Arteixo poderá incorporar durante o período 2027-2029 outras liñas de subvención de carácter singular ou transversal cando concorran necesidades públicas específicas, novas prioridades do goberno, modificacións normativas, oportunidades de cofinanciamento externo ou circunstancias extraordinarias que aconsellen o establecemento de novos instrumentos de fomento.

Estas liñas deberán respectar, en todo caso, os principios, criterios e límites establecidos no presente Plan Estratéxico de Subvencións, e a súa eventual creación requirirá a correspondente cobertura orzamentaria, a motivación da súa finalidade pública e, cando proceda, a aprobación das bases reguladoras ou instrumentos xurídicos que resulten esixibles conforme á normativa aplicable.

7 PLANIFICACIÓN FINANCEIRA PLURIANUAL

7.1. ESTIMACIÓN GLOBAL DE RECURSOS PARA O PERÍODO DE VIXENCIA

Para o período 2027-2029, a estimación global dos recursos destinados á política subvencional municipal parte da análise da serie 2021-2026, distinguindo entre exercicios de carácter extraordinario e anualidades que poden considerarse representativas dun escenario ordinario. Nesta liña, a referencia principal adopta a media dos exercicios 2023-2025, nos que se consolida unha estrutura estable de liñas de subvención nos distintos ámbitos materiais recollidos no Plan.

A partir desa media 2023-2025, a previsión para o trienio 2027-2029 é manter un volume global de recursos nunha orde de magnitude semellante, evitando tanto incrementos como reducións bruscas que poidan comprometer a continuidade das liñas existentes ou a súa planificación plurianual. Esta opción responde ao obxectivo de dotar de estabilidade á actividade subvencional municipal, permitindo ás entidades beneficiarias desenvolver proxectos con certa perspectiva temporal e minimizando o impacto de variacións conxunturais na programación anual das axudas.

Cómpre salientar, non obstante, que a comparación coa serie histórica amosa tamén a existencia de exercicios con comportamento singular, nomeadamente o ano 2021, no que se puxeron en marcha medidas extraordinarias de apoio á actividade económica para paliar os efectos da COVID-19. Estas actuacións supuxeron un incremento puntual do volume global de subvencións e deben ser interpretadas como un exemplo da capacidade municipal para reforzar temporalmente a política subvencional en contextos excepcionais, sen que iso altere o patrón de referencia que se toma para o novo Plan.

O compromiso do Concello de Arteixo para o período 2027-2029 é, en consecuencia, manter de maneira xeral a escala global de recursos destinados ás subvencións municipais e, na medida do posible, introducir incrementos graduais en función da evolución das dispoñibilidades orzamentarias e das necesidades detectadas en cada ámbito de actuación. Esta orientación enténdese compatible coa condición do Concello de Arteixo

como unha das entidades locais de Galicia cun maior esforzo subvencional en termos de índice poboacional, situándose claramente por riba doutros municipios de tamaño e estrutura orzamentaria semellantes no volume relativo de recursos dedicados a subvencións en ámbitos como cultura, festas, participación cidadá, deporte, educación, servizos sociais e promoción económica.

Neste contexto, a estimación global de recursos para o trienio 2027-2029 formúlase máis en termos cualitativos que cuantitativos, evitando a fixación dun importe anual pechado para o conxunto dos capítulos 4 e 7, pero establecendo un marco de referencia claro: partir da media 2023-2025, asegurar a continuidade das liñas estruturais recollidas no capítulo 6 e prever unha marxe de crecemento moderado para aquelas áreas nas que se identifiquen novas necesidades ou oportunidades de mellora. Esta marxe deberá materializarse, en todo caso, a través dos orzamentos anuais e dos instrumentos de planificación económico-financeira, supeditándose ao cumprimento dos principios de estabilidade orzamentaria e sustentabilidade financeira recollidos na normativa vixente.

O mantemento deste nivel de esforzo subvencional, unido á vontade de reforzar progresivamente determinadas liñas, supón tamén unha mensaxe clara cara ás entidades sociais, culturais, deportivas, educativas, xuvenís e veciñais: o Concello de Arteixo comprométese a consolidar unha política de fomento ambiciosa e ordenada, que non só se limita a reproducir o marco do Plan 2023-2025 prorrogado para 2026, senón que procura dar un paso máis na racionalización, transparencia e eficacia da asignación de recursos públicos a través das subvencións municipais.

7.2. DISTRIBUCIÓN ESTIMADA POR LIÑAS E ÁREAS DE GASTO

A distribución estimada dos recursos subvencionais para o período 2027-2029 responde á estrutura de ámbitos materiais definida no capítulo 6, tomando como referencia principal a media dos exercicios 2023-2025 e o comportamento previsto para 2026 nos capítulos 4 e 7. O obxectivo é consolidar un reparto equilibrado entre as grandes áreas de política pública municipal, asegurando a continuidade das liñas estruturais e permitindo, ao mesmo tempo, marxes de axuste moderado en función da evolución das necesidades e da capacidade financeira anual.

En primeiro lugar, mantense unha **priorización clara do ámbito de servizos sociais, igualdade e inclusión**, tanto a través de subvencións nominativas a entidades de referencia (ASPACE, ADACECO, APEM, Cáritas, RETO, Agarimo, entre outras) como mediante liñas de concorrencia para emerxencia social e apoio a persoas en situación de dependencia ou risco de exclusión. Este

Arteixo

ámbito continuará absorbendo unha parte significativa do esforzo subvencional, en coherencia co diagnóstico histórico e co peso recorrente das partidas sociais nos capítulos 4 e 7, co fin de garantir unha rede estable de apoio ás necesidades sociais da veciñanza.

En segundo lugar, a **educación** consolídase como outro eixo central da distribución de recursos, agrupando liñas de axuda ao estudo (comedor escolar, libros e material, mobilidade), subvencións para innovación educativa e mantemento tecnolóxico dos centros e apoios ás ANPAS e á comunidade educativa. A estimación para 2027-2029 procura manter, como mínimo, o esforzo realizado nos exercicios recentes, asegurando o financiamento das liñas xa existentes e permitindo reforzos puntuais en función da demanda e das prioridades detectadas pola área de educación.

A **cultura, o patrimonio e a dinamización sociocultural**, xunto co conxunto de liñas vinculadas a festas parroquiais, mantén unha presenza destacada na distribución estimada, tanto a través de subvencións nominativas a entidades culturais de referencia como mediante liñas de concorrencia para entidades locais, premios e certames culturais, investimentos en equipamento e subvencións para festas parroquiais. O compromiso municipal neste ámbito tradúcese nun nivel de investimento en subvencións considerablemente superior ao doutras administracións locais de tamaño semellante, especialmente en comparación con concellos que, cun orzamento global similar, destinan a cultura, festas e participación cidadá contías substancialmente menores.

No ámbito de **deporte, actividade física e vida saudable**, a distribución estimada de recursos combina subvencións nominativas a clubs e entidades deportivas de referencia, liñas de concorrencia para actividades deportivas e programas de vida activa e saúde, bolsas a deportistas individuais e apoios a investimentos en instalacións deportivas. A previsión para 2027-2029 é manter un nivel de esforzo semellante ao dos exercicios máis recentes, co obxectivo de garantir a continuidade da oferta deportiva municipal, apoiar o talento deportivo local e contribuír á promoción de hábitos de vida saudable entre a poboación.

A **promoción económica, o emprego e o comercio local** contará tamén cunha asignación específica dentro da distribución global, articulada arredor de liñas de accesibilidade e rehabilitación edificatoria, fomento do emprego e creación de empresas, incentivos vinculados a obradoiros de emprego e apoio a asociacións de empresarios e comerciantes. A estimación para este ámbito combina a vontade de manter as liñas xa consolidadas coa necesidade de adaptar, en cada exercicio, a dotación efectiva á demanda, á dispoñibilidade de cofinanciamento autonómico e ás prioridades que marque a área de promoción económica.

No caso de **xuventude, participación cidadá e asociacionismo veciñal**, a distribución estimada aposta por consolidar progresivamente un volume estable de recursos que permita dar soporte ás liñas de concorrencia para entidades xuvenís, aos programas municipais de ocio e lecer educativo, ás iniciativas de creatividade xuvenil e ás subvencións ás asociacións veciñais. A previsión é que estas áreas vaian incrementando o seu peso relativo dentro da política subvencional, en consonancia co diagnóstico que destaca a existencia dun tecido asociativo consolidado, unha elevada participación veciñal e unha demanda crecente de apoio municipal a iniciativas comunitarias.

Finalmente, os ámbitos de **medio ambiente, transición ecolóxica, mobilidade sostible, benestar animal, seguridade, protección civil e emerxencias** presentan, a día de hoxe, un grao de desenvolvemento subvencional máis incipiente, polo que a distribución estimada para 2027-2029 prevé unha participación relativa máis moderada pero con potencial de crecemento. A asignación concreta de recursos a estes ámbitos dependerá da definición progresiva das súas liñas de actuación, da aprobación das correspondentes bases reguladoras e da integración das súas necesidades nas prioridades anualizadas de investimento e gasto corrente, sempre dentro dos límites marcados pola estabilidade orzamentaria e pola sustentabilidade financeira.

7.3. CONDICIONANTES DERIVADOS DA ESTABILIDADE ORZAMENTARIA E DA SUSTENTABILIDADE FINANCEIRA

A planificación financeira das subvencións previstas no presente Plan Estratéxico de Subvencións 2027-2029 deberá entenderse, en todo caso, condicionada ao cumprimento dos principios de estabilidade orzamentaria e sustentabilidade financeira que resultan aplicables á actividade económica do Concello de Arteixo. En consecuencia, as previsións contidas nos apartados anteriores teñen carácter programático e orientador, sen prexuízo da súa necesaria concreción anual a través dos correspondentes orzamentos municipais e dos instrumentos de planificación económico-financeira que resulten vixentes en cada exercicio.

A existencia do Plan non implica, por si soa, a xeración dun dereito subxectivo á percepción de subvencións nin a consolidación automática de créditos para todas as liñas nel previstas, senón que actúa como marco de referencia para ordenar e racionalizar a actividade subvencional municipal. Por esta razón, a efectiva posta en marcha, continuidade, intensidade ou adaptación das diferentes liñas de subvención quedará supeditada á existencia de crédito adecuado e suficiente, á aprobación das correspondentes bases reguladoras ou instrumentos xurídicos de desenvolvemento e ao respecto das limitacións

que poidan derivarse da normativa de estabilidade orzamentaria, das regras fiscais aplicables e da situación económico-financeira da entidade local.

Desde esta perspectiva, a execución do Plan deberá conciliar dous obxectivos complementarios. Por unha banda, garantir a continuidade das liñas estruturais de subvención que responden a necesidades públicas consolidadas e que presentan un alto valor social, educativo, cultural, deportivo, económico ou comunitario. Por outra, preservar a capacidade de adaptación da política subvencional municipal a eventuais modificacións do contexto económico, á evolución dos ingresos municipais, ao comportamento da execución orzamentaria e á aparición de necesidades sobrevidas que poidan requirir unha reordenación das prioridades inicialmente previstas.

Así mesmo, a sustentabilidade financeira do Plan esixe que a programación subvencional se desenvolva de maneira compatible co equilibrio global das contas municipais, evitando compromisos ríxidos que poidan comprometer a suficiencia financeira da entidade local ou reducir de forma indebida a capacidade de resposta do Concello fronte a outras obrigas de gasto. Para tal fin, as contías orientativas recollidas no capítulo 6 e a distribución estimada recollida no presente capítulo deberán interpretarse como referencias de planificación suxeitas a revisión, actualización ou adaptación cando así o aconsellen as circunstancias orzamentarias, a evolución da demanda ou a necesidade de priorizar determinadas actuacións de interese xeral.

De igual modo, a existencia de liñas cuxa efectividade depende, total ou parcialmente, de financiamento externo ou de convocatorias doutras administracións públicas obriga a incorporar un criterio adicional de prudencia na planificación financeira. Isto resulta especialmente relevante nos programas vinculados a subvencións autonómicas, cofinanciamentos ou actuacións condicionadas á obtención de recursos alleos, supostos nos que a execución definitiva das liñas deberá acomodarse á efectiva dispoñibilidade destes fondos e ás condicións que se establezan nos instrumentos de concesión correspondentes.

En consecuencia, o presente Plan asume expresamente que a programación financeira plurianual das subvencións municipais debe formularse cun criterio de realismo, prudencia e flexibilidade ordenada. A estabilidade das liñas prioritarias e a vontade de continuidade da política de fomento municipal deberán harmonizarse, en cada exercicio, coa disciplina orzamentaria, coa dispoñibilidade real de recursos e coa necesidade de garantir unha xestión eficiente, sustentable e xuridicamente sólida dos fondos públicos.

8 SEGUIMIENTO, → AVALIACIÓN E REVISIÓN DO PLAN

O seguimento e avaliación do Plan Estratéxico de Subvencións 2027-2029 do Concello de Arteixo constitúen unha condición necesaria para garantir a súa eficacia, a súa coherencia coa normativa vixente e a súa adaptación progresiva ás necesidades públicas detectadas en cada momento. Este capítulo define o sistema de indicadores, os instrumentos de informe e os procedementos de revisión que permitirán avaliar o grao de execución das liñas de subvención, o alcance das actuacións financiadas e o seu impacto sobre a realidade social, económica, cultural e comunitaria do municipio.

8.1. SISTEMA DE INDICADORES DE SEGUIMIENTO POR LIÑAS DE SUBVENCIÓN

O sistema de indicadores do Plan artéllase arredor das liñas de subvención recollidas no capítulo 6, aproveitando, sempre que sexa posible, os indicadores xa definidos polos servizos municipais nos documentos sectoriais e nas bases reguladoras existentes. Con carácter xeral, cada liña e programa incluírá un conxunto reducido de indicadores cuantitativos e cualitativos que permitan monitorizar, de maneira homoxénea, o número de solicitudes, o número de persoas ou entidades beneficiarias, a distribución territorial das actuacións, o volume de recursos executados e o tipo de actuacións financiadas.

Entre os indicadores comúns que se empregan de forma recorrente nas distintas liñas destacan, nomeadamente, os seguintes: número de solicitudes presentadas; número de persoas ou entidades beneficiarias, desagregadas por sexo cando resulte procedente; número de denegacións; importe total concedido e importe efectivamente xustificado; importe medio por persoa, entidade ou proxecto; tipoloxía das actuacións financiadas; e distribución por parroquias ou barrios, especialmente nas liñas con dimensión territorial relevante. Nalgúns ámbitos concretos incorpóranse, ademais, indicadores adicionais adaptados á natureza da liña, tales como o número de edicións de certames culturais, o número de programas deportivos ou de vida activa desenvolvidos, o número de proxectos de innovación educativa apoiados, o número de contratacións financiadas ou a avaliación cualitativa do impacto

das actividades sobre a participación cidadá, a inclusión social ou a dinamización comunitaria.

A información asociada a estes indicadores recollerase principalmente a través dos expedientes de concesión e xustificación das subvencións, das memorias presentadas polas entidades beneficiarias e da información que poidan achegar os servizos xestores no marco do seu labor ordinario de seguimento e control. Co fin de facilitar a súa explotación, fomentárase a utilización de formatos homoxéneos de recollida de datos e, na medida do posible, a integración desta información nos sistemas corporativos de xestión económica e de transparencia municipal, de xeito que poida ser empregada tanto para a avaliación interna como para a rendición de contas perante a cidadanía.

8.2. INFORMES PERIÓDICOS DE EXECUCIÓN E AVALIACIÓN

O seguimento do Plan materializarase, de forma sistemática, mediante a elaboración de informes periódicos sobre a execución das distintas liñas de subvención e sobre o grao de cumprimento dos obxectivos previstos. Con carácter xeral, prevese a elaboración dun informe anual de execución, no que se recolla, para cada ámbito de actuación, a relación de liñas activas, o volume de recursos comprometidos e executados, os principais indicadores de actividade e unha primeira valoración cualitativa da implementación das subvencións municipais durante o exercicio correspondente.

Estes informes anuais deberán ser elaborados a partir da información facilitada polas áreas xestoras das subvencións e poderán integrarse, cando así se considere adecuado, nas memorias xerais de execución orzamentaria ou noutros instrumentos de planificación e avaliación municipal. Sobre a base destes informes e da información acumulada ao longo do período 2027-2029, prevese a realización dunha avaliación global do Plan ao final da súa vixencia, que permita valorar o grao de consecución dos obxectivos estratéxicos, identificar boas prácticas e áreas de mellora e formular recomendacións para futuros plans estratéxicos de subvencións.

A periodicidade e o contido destes informes poderán axustarse en función da dispoñibilidade de medios e da evolución do sistema de información municipal, mantendo en todo caso o obxectivo de dotar o Concello e a cidadanía dunha visión ordenada, comprensible e transparente da política subvencional desenvolvida. Cando resulte procedente, os informes poderán incorporar tamén información sobre incidencias relevantes, como modificacións de bases, cambios de liñas, reprogramacións de crédito ou aparición de contextos extraordinarios, así como sobre o uso dos mecanismos de coordinación interna previstos no Plan.

8.3. PROCEDEMENTO DE REVISIÓN, ADAPTACIÓN E, SE É O CASO, PRÓRROGA DO PLAN

Dado o carácter programático e plurianual do Plan, a súa vixencia deberá conciliar a estabilidade necesaria para ofrecer marcos de referencia fiables coas posibilidades de adaptación que esixen a evolución das necesidades públicas, das prioridades municipais e da situación económico-financeira. Para tal fin, prevese que o Plan poida ser obxecto de revisión parcial ou total cando concorran circunstancias que xustifiquen modificacións relevantes na programación inicialmente aprobada, xa sexa por cambios na normativa aplicable, por variacións significativas nos recursos dispoñibles, por aparición de novas necesidades ou por resultados da avaliación intermedia ou final.

A revisión do Plan, cando sexa necesaria, deberá seguir un procedemento coherente co que se empregou para a súa aprobación, incluíndo a elaboración dunha proposta técnica que xustifique as modificacións, a consulta aos servizos municipais afectados e a adopción do correspondente acordo polo órgano competente do Concello de Arteixo. As revisións poderán adoptar distintas modalidades, desde a actualización dalgunhas liñas concretas, por exemplo mediante a incorporación de novas liñas ou a adaptación de contidos e indicadores, ata a reformulación de apartados completos, sempre co obxectivo de manter a coherencia xeral do Plan e a súa adecuación ao marco normativo e financeiro vixente.

En canto á posible prórroga do Plan máis alá do período 2027-2029, esta deberá ser expresamente acordada polo órgano competente, á vista do resultado da avaliación final, das condicións económicas e normativas existentes nese momento e das necesidades de planificación estratéxica da actividade subvencional municipal. A prórroga poderá implicar tanto a extensión temporal dalgunhas liñas e programas como a adaptación parcial do seu contido, en tanto non se aprobe un novo Plan estratéxico de subvencións que substitúa o presente, garantíndose en todo caso que a actividade de fomento municipal continúe sometida a un marco de planificación estable, transparente e acorde coa normativa de subvencións.

